

摘藻堂四庫全書薈要

史部

欽定四庫全書薈要卷七千二百四十七

史部

資治通鑑卷二百六十一 宋 司馬光 撰

胡三省 音註

唐紀七十七

起疆圉大荒落盡  
屠維協洽凡三年

昭宗聖穆景文孝皇帝中之上

乾寧四年春正月甲申韓建奏防城將張行思等

張行思華

州防城將也

告睦濟韶通彭韓儀陳八王

皆嗣王也睦  
韶韓代宗之

將即亮翻

後彭肅宗之後陳文宗之謀殺臣劫車駕幸河中建惡  
後史皆逸其名及其世系

諸王典兵

惡烏路翻

故使行思等告之上大驚召建諭之建

稱疾不入令諸王詣建自陳建表稱諸王忽詣臣理所

不測事端

建言諸王為變事出不測也

臣詳酌事體不應與諸王相

見又稱諸王當自避嫌疑不可輕為舉措陛下若以友

愛含容請依舊制令歸十六宅妙選師傅教以詩書不

令典兵預政

援開元天寶舊制不令諸侯王出閣

且曰乞散彼烏合之兵

用光麟趾之化

詩序曰闕雖之化行雖衰世之公子皆信厚如麟趾之時

建慮上不

從引麾下精兵圍行宮

以兵脇君

表疏連上

上時掌翻

上不得已

是夕詔諸王所領軍士并縱歸田里諸王勒歸十六宅

其甲兵并委韓建收掌建又奏陛下選賢任能足清禍

亂何必別置殿後四軍

四軍即安聖捧宸保寧宣化也置見上卷上年

顯有厚

薄之恩乖無偏無黨之道

書曰無偏無黨王道蕩蕩韓建安識書語李巨川教之耳

宜其不免於誅也一本厚下更有有字

且所聚皆坊市無賴奸猾之徒平

居猶思禍變臨難必不為用

難乃旦翻

而使之張弓挾刃密

邇皇輿臣竊寒心乞皆罷詔亦從之於是殿後四軍二

萬餘人悉散天子之親軍盡矣捧日都頭李筠石門扈

從功第一

石門扈從事見上  
卷二年從才用翻

建復奏斬於大雲橋

復扶  
又翻

大雲橋在華州大雲寺前武后時令天下諸  
州各置大雲寺以藏大雲經皆受命之符也

建又奏玄

宗之末永王璘暫出江南遽謀不軌

事見肅宗紀至  
德元載二載

代

宗時吐蕃入寇光啟中朱玫亂常皆援立宗支以繫人

望

謂吐蕃立廣武王承宏朱玫立襄  
王愬也事各見前紀援于元翻

今諸王銜命四方

者乞皆召還

指言延王  
戒丕等

又奏諸方士出入禁庭眩惑聖

聰宜皆禁止無得入宮

指言許  
巖士等

詔悉從之建既幽諸王

於別第知上意不悅乃奏請立德王為太子欲以解之

丁亥詔立德王祐為皇太子仍更名裕

更工衡翻 異曰勤王錄曰 考

公以儲副之設國之大本上表云云敕宜從允時正月十一日也當四日之間而儲君奉冢祀宗室歸藩邸蓬

頭哭鬢之士不入于禁門文成五利之徒不陳其左道君父開悟遐邇詠歌人不震驚市無易肆公之力也李

巨川著書矯誣善惡乃至于此今從實錄 龐師古葛從周併兵攻鄆州朱

瑄兵少食盡不復出戰但引水為深壕以自固辛卯師

古等營於水西南命為浮梁癸巳潛決濠水丙申浮梁

成師古夜以中軍先濟瑄聞之棄城奔中都

按九域志中都縣在

鄆州東南六十里

葛從周逐之野人執瑄及妻子以獻

僖宗中和二年

朱瑄得鄆州至是而亡考異曰薛居正五代史梁太祖紀辛卯營于濟水之次龐師古令諸將撤木為橋乙未夜師古以中軍先濟朱瑄棄壁夜走葛從周擒瑄并妻男以獻按濟水自王莽時大旱不復能絕河而南自是河南無濟水編遺錄曰五月遣騎於鄆州軍前追從周徑往洹水董師古以代侯言師古留攻鄆梁太祖實錄四年正月復以洹水之師大舉伐鄆十五日辛卯營其西南河外龐師古命諸將撤木為橋以圖宵濟癸巳前軍以心膂百人盜決河口甲午浮橋集水次乙未夜師古中軍先濟聲振壁內朱瑄聞之棄壁走編遺錄四年正月己卯朱瑄兵少糧盡不敢出戰然深溝高壘難越也從周師古乃取清河內小舟採野葛草茅索之以為巨纜乃於其牆南建浮橋丙申功就我師渡橋朱瑄奔遁皆不云濟水師古去年三月已敗鄆兵于馬頰追至西門據故洛亭子為寨乙未夜先濟蓋鄆城下清河水疑朱瑄引之以環城固守故師古等為浮橋以濟師河

既可決明非自然之水也舊紀癸未龐師古陷鄆州朱瑄與妻榮氏潰圍走瑄至中都為野人所殺榮氏俘於

軍新紀丙申全忠陷鄆州實錄二月丙午朔陷鄆州瑄至中都為亂兵所殺妻榮至汴為尼據薛史辛卯營于

濟水則癸未鄆未破也新紀云丙申陷鄆實錄二月蓋約奏到今從編遺錄新紀已亥罷孫

偓鳳翔西面行營節度等使鳳翔西面行營以副都統

李思諫為寧塞節度使按方鎮表光化元年更延錢

鏐使行軍司馬杜稜救婺州安仁義移兵攻睦州不克

而還安仁義攻婺州見上卷朱全忠入鄆州以龐師

上年還從宣翻又如字

古為天平留後考異曰舊紀梁太祖實錄薛居正五

代史師古傳皆云師古為鄆州留後編

遺錄薛史梁紀皆云友裕按編遺錄三月丙子以友裕為鄆州留後師古為徐州留後蓋初以師古守鄆州後以友裕代之而徙朱瑾留大將康懷貞守兗州與河東師古於徐州也

將史儼李承嗣掠徐州之境以給軍食

九域志兗州南一百一十里即

徐州界全忠聞之遣葛從周將兵襲兗州懷貞聞鄆州已

失守汴兵奄至遂降二月戊申從周入兗州獲瑾妻子

朱瑾還無所歸帥其衆趨沂州刺史尹處賓不納走保

海州

降戶江翻帥讀曰率趨七喻翻九域志兗州三百四十五里東至沂州沂古琅邪也沂州東至海州

一百八

為汴兵所逼與史儼李承嗣擁州民度淮奔楊

行密

光啟二年朱瑾取兗州至是而敗

行密逆之於高郵表瑾領武寧

節度使

領遙

全忠納瑾之妻引兵還張夫人逆於封丘

九域志封丘縣在汴州北六十里

全忠以得瑾妻告之夫人請見之瑾

妻拜夫人答拜且泣曰兗鄆與司空同姓約為兄弟以

小故恨望起兵相攻使吾妣辱於此他日汴州失守吾

亦如吾妣之今日乎

妣詳里翻長婦曰妣又兄弟之妻相呼曰妣互相尊稱之辭也全

忠乃送瑾妻於佛寺為尼斬朱瑄于汴橋于是鄆齊曹

棣兗沂密徐宿陳許鄭滑濮皆入於全忠

鄆齊曹棣天平軍兗沂密

秦寧軍徐宿感化軍陳許忠武軍  
鄭滑濮宣義軍此五鎮之地也惟王師範保淄青一

道亦服於全忠李存信在魏州聞兗鄆皆陷引兵還淮

南舊善水戰不知騎射及得河東兗鄆兵軍聲大振史

儼李承嗣皆河東驍將李克用深惜之遣使間道詣楊

行密請之間古行密許之亦遣使詣克用修好好呼

覓翻

戊午王建遣邛州刺史華洪彭州刺史王宗祐將兵五

萬攻東川邛渠容翻以戎州刺史王宗謹為鳳翔西面

華戶化翻

行營先鋒使敗鳳翔將李繼徽等於玄武

玄武漢氏道縣晉改曰玄

武唐初屬益州時屬梓州宋朝改曰中江在梓州四十九里敗蒲邁翻繼徽本姓楊名宗

本茂貞之假子也 己未赦天下

音曲赦天下云德音考異曰實錄降德音

即非赦既云曲赦即不及天下實錄誤也

上饗行廟

時駐蹕華州太常禮院請權立行廟以備

告饗庚申王建以決雲都知兵馬使王宗侃為應援開

峽都指揮使將兵八千趨渝州決勝都知兵馬使王宗

阮為開江防送進奉使將兵七千趨瀘州辛酉宗侃取

渝州降刺史牟崇厚癸酉宗阮拔瀘州斬刺史馬敬儒

峽路始通

渝瀘皆東川巡屬王建志在廣地假通峽路進奉以為名耳趨七喻翻

鳳翔將

李繼昭救梓州留偏將守劔門西川將王宗播擊擒之

乙亥門下侍郎同平章事孫偓罷守本官中書侍郎

同平章事朱朴罷為秘書監朴既秉政所言皆不效

朱朴

自詭月餘可致太平見上卷上年外議沸騰太子詹事馬道殷以天文

將作監許巖士以暨得幸於上韓建誣二人以罪而殺

之且言偓朴與二人交通故罷相

馬道殷許巖士在上左右二相因之以白

事此必有之

詔以楊行密為江南諸道行營都統以討武

昌節度使杜洪

案新書洪傳洪附朱全忠絕東南貢獻路命楊行密討之者以此

張

佶克邵州擒蔣勛

潭兵攻蔣勛事始上卷三年正月佶巨乙翻

三年丙子

朱全忠表曹州刺史葛從周為泰寧留後朱友裕為天

平留後龐師古為武寧留後

朱全忠表以三鎮授三將以樹黨此時蓋復改感化

為武寧

保義節度使王珙攻護國節度使王珂珂求援

於李克用珙求援於朱全忠宣武將張存敬楊師厚敗

河中兵於猗氏南河東將李嗣昭敗陝兵於猗氏又敗

之於張店遂解河中之圍

敗補邁翻陝失冉翻

師厚斤溝人

九域志頽

州萬壽縣有斤溝鎮萬壽唐汝陰縣之百口鎮也宋朝開寶六年置縣

嗣昭克用弟克柔

之假子也 更名感義軍曰昭武

更工衡翻

治利州以前靜

難節度使蘇文建為節度使

難乃旦翻

夏四月以同州防

禦使李繼瑋為匡國節度使

匡國軍以防禦使李繼瑋

為匡國節度使案新方鎮表乾寧二年賜同州號匡國

軍王行約已嘗為匡國節度使蓋行約死繼瑋但為防

禦使今始繼瑋茂貞之養子也 以右諫議大夫李洵

復舊名耳 為兩川宣諭使和解王建及顧彥暉 辛亥錢鏐遣顧

全武等將兵三千自海道救嘉興己未至城下擊淮南

兵大破之

淮南圍嘉興始上卷二年

杜洪為楊行密所攻求救於

朱全忠全忠遣其將聶金掠泗州

聶尼輒姓也

朱友恭攻黃

州行密遣右黑雲都指揮使馬珣等救黃州黃州刺史

瞿章聞友恭至棄城擁衆南保武昌寨

武昌漢古縣唐屬鄂州九域志

在州東北一百八十里今置壽昌軍

癸亥兩浙將顧全武等破淮南十

八營虜淮南將士魏約等三千人淮南將田頔屯驛亭

埭

埭徒耐翻

兩浙兵乘勝逐之甲戌頔自湖州奔還

自嘉興退軍取

道湖州還宣州

兩浙兵追敗之

敗補邁翻

頔衆死者千餘人

韓建

惡刑部尚書張緯等數人皆誣奏貶之

惡烏路翻緯吁韋翻考異曰實

錄貶刑部尚書張緯趙崇蘇循等為衡州司馬韓建惡之誣奏貶焉緯等必不皆為刑部尚書皆貶衡州司馬實錄誤也

五月加奉國節度使崔洪同平章事 辛巳朱

友恭為浮梁於樊港

武昌西三里有樊山山下有樊溪注于江謂之樊口朱友恭蓋跨江

為浮梁抵樊口 進攻武昌寨壬午拔之執瞿章遂取黃

州 考異曰薛居正五代史梁紀五月丁丑朱友恭遣使上言大破淮寇于荊昌收復黃鄂二州新紀壬午

全忠陷黃州刺史瞿章死之朱友恭傳云瞿章十國紀年作瞿章吳錄云執刺史瞿章當可据馬珣等

皆敗走 丙戌王建以節度副使張琳守成都

張琳王建之腹

心建之攻陳敬瑄也亦使之守邛州

自將兵五萬攻東川更華洪姓名曰

王宗滌

華洪累戰有功王建於是養以為子以收其力用然殺洪之心蓋已萌於此時矣華戶化翻

六月己酉錢鏐如越州受鎮東節鉞 李茂貞表王

建攻東川連兵累歲不聽詔命

王建豈特攻東川哉李茂貞山南巡屬諸州建

取之亦多矣力不能制欲挾天子之令以臨之

甲寅貶建南州刺史

新志武德三年開黔

南蠻置南州宋白曰南州戰國時為巴國界秦則巴郡之地漢為江州之境唐武德三年割渝州之東界置南

州乙卯以茂貞為西川節度使以覃王嗣周為鳳翔節

度使癸亥王建克梓州南寨執其將李繼寧丙寅宣諭

使李洵至梓州

四月李洵受命而使六月始至

己巳見建于張杞砦建

指執旗者曰戰士之情不可奪也 覃王赴鎮李茂貞

不受代

李茂貞之狡悍豈肯以鳳翔授人涉險而爭蜀邪

圍覃王於奉天 置

寧遠軍於容州以李克用大將蓋寓領節度使

李克用之平王

行瑜也蓋寓以功領容管觀察使今升領節度使

秋七月加荆南節度使成

汭兼侍中 韓建移書李茂貞茂貞解奉天之圍覃王

歸華州 以天雄節度使李繼徽為靜難節度使

李繼徽自

秦州徙邠州邠寧亦為李茂貞有矣難乃旦翻

庚戌錢鏐還杭州

自越還杭

遣顧

全武取蘇州乙未拔松江

松江在蘇州南四十里淮南立寨以守之

戊戌拔

無錫

無錫漢縣唐屬常州九域志在州東九十一里

辛丑拔常熟華亭

宋白曰常熟縣

後漢至吳為司鹽都尉晉置南沙縣梁置常熟縣今崑山縣東一百三十里常熟故城是也九域志在蘇州北

七十五里天寶十載分嘉興置華亭縣屬蘇州在州西南今屬秀州

初李克用取幽州

見二百五十九卷乾寧元年

表劉仁恭為節度使留戍兵及腹心將十

人典其機要租賦供軍之外悉輸晉陽及上幸華州克

用徵兵於仁恭又遺成德節度使王鎔義武節度使王

郜書

遺唯李翻郜音告

欲與之共定關中奉天子還長安仁恭

辭以契丹入寇

洪遵曰契丹之讀如喫惟新唐書有音今從欺訖翻

須兵扞禦請

俟虜退然後承命克用屢趣之

趣讀曰促

使者相繼數月兵

不出克用移書責之仁恭抵書於地慢罵囚其使者欲

殺河東戍將戍將遁逃獲免

克用留兵戍幽州見上卷乾寧二年

克用大

怒八月自將擊仁恭

為克用計者先舉河東之甲以勤王事定之後然後移兵臨燕以問

罪劉仁恭安所逃其死乎不知出此遽興忿兵其敗宜矣

上欲幸奉天親討李茂

貞令宰相議之宰相切諫乃止

議者率謂昭宗忿不思難然亦可悲矣

延王戒丕還自晉陽

戒丕使晉陽見上卷上年

韓建奏自陛下即位

以來與近輔交惡

近輔邠岐同華也

皆因諸王典兵凶徒樂禍

樂音洛

致鑾輿不安比者臣奏罷兵權

比毗至翻近也

實慮不測

之變今聞延王覃王尚苞陰計願陛下聖斷不疑

斷丁亂翻

制於未亂

周書云制治于未亂建奏引之李巨川之辭也

則社稷之福

韓建欲殺諸王

久矣憚李克用故未敢發延王既還知克用之兵不能至故決請殺之

上曰何至於是數

日不報建乃與知樞密劉季述矯制發兵圍十六宅諸

王被髮或緣垣或升屋呼曰宅家救兒

被皮義翻呼火故翻唐末宮中

率稱天子曰宅家

建擁通沂睦濟韶彭韓陳覃延丹十一王至

石隄谷盡殺之

石隄谷在華州西歐陽脩集古錄云殺阮君祠今謂之五部神廟其像有石隄

西戌樹谷五樓先生東臺御史王剪將軍莫曉其義其  
碑云石隄樹谷南通商雒又云前世通利吏民興貴有  
御史大夫將軍收伯故為立祠以報其功乃知五部之  
號自漢有之如此則石隄者石隄谷之神五部神之一  
也唐韓建殺諸王於石隄谷蓋此谷也穀阮神祠在華  
州鄭縣考異曰舊紀是日通覃以下十一王并其侍  
者皆為建兵所擁至石隄谷無長少皆殺之唐補紀曰  
六宅諸王准前商量請置殿後都韓建怨怒進狀爭論  
與諸王互說短長上乃縛韓王克良已下十人送韓建  
府建以棘刺圍于大廳經宿不與相見軍吏諫遂請諸  
王歸宮散去殿後都新紀八月韓建殺通王滋沂王禔  
韶王彭王嗣韓王嗣陳王嗣覃王嗣周嗣延王戒丕嗣  
丹王允按舊紀韓建奏睦王濟王韶王通王彭王韓王  
儀王陳王八人新宗室傳初帝遣嗣延王戒丕嗣丹王  
允往見李克用又有覃王嗣周則是十一人新紀傳儀  
作沂按昭宗子禔封沂王不應更封宗室舊紀儀王恐

可以謀反聞 貶禮部尚書孫偓為南州司馬秘書監

朱朴先貶夔州司馬再貶郴州司戶

考異曰實錄朴貶郴州司戶薛廷

珪鳳閣書詞有朴自秘書監責除蜀王傅分司東都制云苞藏莫顧於朝綱進見不由於相府復云猶希顧問之間來撓澄清之化又貶渠州司馬制云爭臣條奏憲府極言指陳負固之謀忿嫉崇姦之計與此稍異今從實錄朴之為相何迎驟遷至右諫議大夫至是亦貶湖州

司馬

何迎薦朱朴見上卷上年

鍾傳欲討吉州刺史襄陽周琲琲

帥其眾奔廣陵

琲部浼翻又蒲昧翻帥讀曰率

王建與顧彥暉五十

餘戰九月癸酉朔圍梓州蜀州刺史周德權言於建曰

公與彥暉爭東川三年士卒疲於矢石百姓困於輸輓

輓音晚東川羣盜多據州縣彥暉懦而無謀欲為偷安之

計皆啗以厚利

啗徒監翻

恃其救援故堅守不下今若遣人

諭賊帥以禍福

帥所類翻

來者賞之以官不服者威之以兵

則彼之所恃反為我用矣建從之彥暉勢益孤德權許

州人也

丁丑李克用至安塞軍

安塞軍在蔚州之東  
媯州之西新志幽州

丁零川西南有安塞軍

辛巳攻之幽州將單可及引騎兵至

單上潘翻

姓也又都寒翻亦姓也元魏孝文克用方飲酒前鋒白  
帝改代北內入諸渴單氏為單氏

賊至矣克用醉曰仁恭何在對曰但見可及輩克用瞋

目曰

瞋昌真翻

可及輩何足為敵亟命擊之是日大霧不辨

人物幽州將楊師侃伏兵於木瓜澗

據新書木瓜澗亦在蔚州界

河

東兵大敗失亡大半

史言李克用輕敵又不得天時故敗

會大風雨震電

幽州兵解去

史言克用敗而得免者亦天也

克用醒而後知敗責大將

李存信等曰吾以醉廢事汝曹何不力爭

邢州之叛萃縣之潰木瓜

澗之敗皆李存信之罪也克用終親任之可謂失刑矣

湖州刺史李彥徽欲以

州附於楊行密

去年楊行密表彥徽知湖州故欲附之

其衆不從彥徽奔

廣陵都指揮使沈攸以州歸錢鏐

錢鏐自此遂有湖州

以彰義

節度使張璉為鳳翔西北行營招討使以討李茂貞

復以王建為西川節度使同平章事加義武節度使王

郜同平章事削奪新西川節度使李茂貞官爵復姓名

宋文通

始以李茂貞之請而討王建既而又以茂貞拒命赦王建而討茂貞朝廷號令朝出而暮改諸

侯其孰尊而信之皇威不振自取之也李茂貞賜姓名見二百五十六卷光啟二年

朱全忠既

得兗鄆甲兵益盛乃大舉擊楊行密遣龐師古以徐宿

宋滑之兵七萬壁清口

清口即今之清河口

將趨揚州

趨七喻翻下同

葛

從周以兗鄆曹濮之兵壁安豐將趨壽州

安豐漢六縣故城在縣南

後漢置安豐縣至唐屬壽州九域志曰安豐縣在州東南六十餘里蓋唐之壽州治壽春縣即六朝壽陽之地

五代之末周世宗克壽州徙治全忠自將屯宿州淮南下蔡故宋朝安豐在壽州東南

震恐匡國節度使李繼瑋聞朝廷討李茂貞而懼韓

建復從而搖之

又復扶翻

繼瑋奔鳳翔冬十月以建為鎮國

匡國兩軍節度使

韓建始兼有同華

壬子知遂州侯紹帥衆

二萬乙卯知合州王仁威帥衆千人戊午鳳翔李繼溥

以援兵二千皆降于王建

帥讀曰率

建攻梓州益急庚申顧

彥暉聚其宗族及假子共飲遣王宗弼自歸于建

王宗弼為

東川兵所擒事見上卷二年

酒酣命其假子瑤殺已及同飲者然後

自殺

僖宗光啟三年顧彥朗得東川傳至弟彥暉至是而滅

建入梓州

乾寧二年王建始攻

東川蓋三年而後克之

城中兵尚七萬人建命王宗綰分兵徇昌

普等州以王宗滌為東川留後

劉仁恭奏稱李克用

無故稱兵見討本道大破其黨于木瓜澗請自為統帥

以討克用

帥所類翻

詔不許又遣朱全忠書

遺唯季翻

全忠奏加

仁恭同平章事朝廷從之仁恭又遣使謝克用陳去就

不自安之意克用復書略曰今公仗鉞控兵理民立法

擢士則欲其報德選將則望彼酬恩已尚不然人何足

信

克用言仁恭背己人亦將背之也將即亮翻

僕料猜忌出於骨肉嫌忌生

於屏帷持干將而不敢授人捧盟盤而何詞著誓 甲

子立皇子祕為景王祚為輝王祺為祁王 加彰義節

度使張璉同平章事 楊行密與朱瑾將兵三萬拒汴

軍於楚州別將張訓自漣水引兵會之

乾寧二年楊行密始取漣水令

張訓守之行密以為前鋒龐師古營於清口或曰營地汙下

不可久處不聽

汴烏爪翻  
處昌呂翻

師古恃衆輕敵居常奕棋朱

瑾壅淮上流欲灌之或以告師古師古以為惑衆斬之

十一月癸酉瑾與淮南將侯瓚

瓚才  
早翻

將五千騎潛度淮

用汴人旗幟自北來趣其中軍

趣七  
喻翻

張訓踰柵而入士

卒蒼黃拒戰淮水大至汴軍駭亂行密引大軍濟淮與

瑾等夾攻之汴軍大敗斬師古及將士首萬餘級餘衆

皆潰葛從周營于壽州西北壽州團練使朱延壽擊破

之退屯濠州聞師古敗奔還行密瑾延壽乘勝追之及

於淠水

水經注淠水出廬江潛縣西南霍山東北又東北過六縣東又西北過安豐縣故城西北入于

淮類篇淠必至切水名在弋陽按今淠河在來遠鎮西十里來遠鎮即東正陽也東至壽州二百里從周

半濟淮南兵擊之殺溺殆盡從周走免過後都指揮使

牛存節棄馬步鬪諸軍稍得濟淮凡四日不食會大雪

汴卒緣道凍餒死還者不滿千人全忠聞敗亦奔還行

密遺全忠書曰龐師古葛從周非敵也公宜自來淮上

決戰

遺于李嗣

行密大會諸將謂行軍副使李承嗣曰始吾

欲先趣壽州

趙七喻翻

副使云不如先向清口師古敗從周

自走今果如所料賞之錢萬緡

賞其勝  
笑先定

表承嗣領鎮海

節度使行密待承嗣及史儼甚厚第舍姬妾咸選其尤

者賜之故二人為行密盡力屢立功竟卒于淮南

偽為  
翻于

卒于恤翻史言楊行密能用人安仁義亦沙陀也行密待之非不厚而終于叛行密狼子野心固自有難馴養

者行密由是遂保據江淮之間全忠不能與之爭 戊

寅立淑妃何氏為皇后后東川人生德王輝王 威武

節度使王潮弟審知為觀察副使有過潮猶加捶撻

止捶

翻審知無怨色潮寢疾捨其子延興延虹延豐延休命

審知知軍府事十二月丁未潮薨審知以讓其兄泉州

刺史審邽審邽以審知有功辭不受審知自稱福建留

後表于朝廷 壬戌王建自梓州還戊辰至成都是歲

南詔驃信舜化有上皇帝書函及督爽牒中書木夾年

號中興朝廷欲以詔書報之王建上言南詔小夷不足

辱詔書臣在西南彼必不敢犯塞從之黎雅間有淺蠻

曰劉王郝王楊王各有部落

黎雅西南大山長谷皆蠻居之所在深遠而三王部

落居近漢界故曰淺蠻

西川歲賜繒帛三千匹使覘南詔亦受南

詔賂訶成都虛實

繒慈陵翻覘丑廉翻又丑  
艷翻訶古迥翻又翻正翻

每節度使

到官三王帥酋長詣府

帥讀曰率酋慈  
由翻長知兩翻

節度使自謂威

德所致表于朝廷而三王陰與大將相表裏節度使或

失大將心則教諸蠻紛擾先是節度使多文臣

先慈  
薦翻

不

欲生事故大將常藉此以邀姑息而南詔亦憑之屢為

邊患及王建鎮西川絕其舊賜斬都押牙山行章以懲

之

山行章陳田舊將王建因其與淺蠻表  
裏而斬之既以威示諸蠻亦除舊務盡

邛峽之南不

置鄯侯不戍一卒

謂邛峽關  
以南也

蠻亦不敢侵盜其後遣王

宗播擊南詔三王漏洩軍事召而斬之

史言安邊之術惟洞知近塞蓄

落情偽而折其姦則外夷不敢有所侮而動

右拾遺張道古上疏稱國家

有五危二亂昔漢文帝即位未幾明習國家事

幾居豈翻見十

三卷漢文

今陛下登極已十年

帝文德元年踐阼至此十年若以即位踰年改

元數之而曾不知為君馭臣之道太宗內安中原外開

四夷海表之國莫不入臣今先朝封域日蹙幾盡

幾居依翻

臣雖微賤竊傷陛下朝廷社稷始為奸臣所弄終為賊

臣所有也

漢唐之亡誠如張道古之言

上怒貶道古施州司戶

宋白曰施

州漢巫縣地吳大帝分巫縣立沙渠縣後周建德三年於此置施州唐因之舊志施州京師南二千七百九里

仍下詔罪狀道古宣示諫官

昭宗處艱危之中猶罪言者其亡宜矣

道古

青州人也

張道古見於通鑑者惟此事著其州里蓋傷之

光化元年

是年八月還京方改元

春正月兩浙江西武昌淄青各

遣使詣闕請以朱全忠為都統討楊行密

兩浙錢鏐江西鍾傳武昌

杜洪淄青王師範皆憚楊行密之強而黨附朱全忠者也

詔不許加平盧節度使

王師範同平章事

淄青平盧軍

以兵部尚書劉崇望同平

章事充東川節度使以昭信防禦使馮行襲為昭信節

度使

方鎮表光化元年置昭信防禦使治金州與此異

上下詔罪已息兵復

李茂貞姓名官爵應諸道討鳳翔兵皆罷之

韓建之志也

壬辰河中節度使王珂親迎於晉陽

迎魚敬翻

李克用遣其

將李嗣昭守河中

李茂貞韓建皆致書於李克用言

大駕出幸累年乞修和好

好呼到翻

同獎王室兼乞丁匠助

修宮室克用許之

初王建攻東川顧彥暉求救於李

茂貞茂貞命將出兵救之

事見上

不暇東逼乘輿詐稱改

過與韓建共翼戴天子又聞朱全忠營洛陽宮累表迎

車駕茂貞韓建懼請修復宮闕奉上歸長安詔以韓建

為修宮闕使

考異曰實錄建以行宮卑庠無眺覽之所表獻城南別墅建初修南莊起樓觀疏

池沼欲為南內行廢立之事其叔父豐見其跋扈謂建曰汝陳許間一民乘時危亂位至方鎮不能感君父之

惠而欲以同華兩州百里之地行廢立覆族在旦莫矣吾不如先自裁免為汝所累由是建稍弭其志及李茂

貞表請助營宮苑又聞朱全忠繕治洛陽累表迎駕建懼故急營葺長安率諸道助役而又親程功焉按建若

欲廢立何必先營南內今不取諸道皆助錢及工材建使都將蔡敬思

督其役既成二月建自往視之錢鏐請徙鎮海軍於

杭州從之

鎮海軍本治潤州今徙軍額於杭州

復以李茂貞為鳳翔節

度使 三月己丑以王審知充威武留後 朱全忠遣

副使萬年韋震入奏事求兼鎮天平朝廷未之許震力

爭之

穆敬以後威令已不振然藩鎮所遣奏事官不敢力爭于朝也

朝廷不得已以全

忠為宣武宣義天平三鎮節度使全忠以震為天平留

後以前台州刺史李振為天平節度副使

按歐史李振傳振為金吾

衛將軍拜台州刺史盜起浙東不果行乃西歸過汴以策於朱全忠全忠留之遂為全忠用

振抱真

之曾孫也

代德之間李抱真鎮昭義有大功

淮南將周本救蘇州兩

浙將顧全武擊破之淮南將秦裴以兵三千人拔崑山

而戍之

崑山漢婁縣地梁分婁縣置信義縣又分信義置崑山縣取縣界崑山為名唐屬蘇州九域志

在州東七十里

以潭州刺史判湖南軍府事馬殷知武安留

後時湖南管內七州賊帥楊師遠據衡州唐世旻據永

州蔡結據道州陳彥謙據郴州魯景仁據連州

路振九國志唐

旻蔡結皆以郡人聚兵據郡陳彥謙桂陽人殺刺史黃岳據郴州魯景仁本從黃巢以病留連州遂據之帥所

類翻郴丑林翻

殷所得惟潭邵而已

為馬殷盡取諸州張本

義昌節度

使盧彥威性殘虐又不禮於鄰道與盧龍節度使劉仁

恭爭鹽利仁恭遣其子守文將兵襲滄州彥威棄城挈

家奔魏州羅宏信不納乃奔汴州

光啟元年盧彥威得滄景至是而亡

仁

恭遂取滄景德三州以守文為義昌留後仁恭兵勢益

盛

併幽滄兩鎮之兵故勢益盛

自謂得天助有併吞河朔之志為守

文請旌節

為于偽翻下為吾翻

朝廷未許會中使至范陽仁恭語

之曰

語牛倨翻

旌節吾自有之但欲得長安本色耳何為累

章見拒為吾言之其悖慢如此

悖蒲內翻又蒲沒翻

朱全忠與

劉仁恭修好

好呼到翻

會魏博兵擊李克用夏四月丁未全

忠至鉅鹿城下敗河東兵萬餘人逐北至青山口

五代志邢

州龍岡縣隋文帝開皇十六年置青山以護國節度使  
縣煬帝大業初省入龍岡敗補邁翻

王珂兼侍中

珂丘何翻

丁卯朱全忠遣葛從周分兵攻洺

州戊辰拔之斬刺史邢善益五月己巳朔赦天下

葛從周攻邢州刺史馬師素棄城走辛未磁州刺史袁

奉滔自剄全忠以從周為昭義留後守邢洺磁三州而

還

并汴自此歲爭邢洺磁三州

以武定節度使李繼密為山南西

道節度使

李繼密自洋州徙興元

朝廷聞王建已用王宗滌為

東川留後乃召劉崇望還為兵部尚書仍以宗滌為留

後 湖南將姚彥章言於馬殷請取衡永道連彬五州

仍薦李瓊為將殷以瓊及秦彥暉為嶺北七州遊奕使

張圖英李唐副之

五州并潭邵為七

將兵攻衡州斬楊師遠引

兵趣永州

趣七喻翻

圍之月餘唐世旻走死殷以李唐為永

州刺史

六月以濠州刺史趙珣為忠武節度使珣

之弟也

珣况羽翻  
犇昌牛翻

秋七月加武貞節度使雷滿同平

章事

方鎮表光化元年置武貞節  
度領澧朗叙三州治澧州

加鎮南節度使鍾傳

兼侍中

忠義節度使趙匡凝聞朱全忠有清口之敗

忠義軍山南東道清口之敗見去年十一月

陰附於楊行密全忠遣宿州刺

史尉氏氏叔琮將兵伐之丙申拔唐州擒徐州刺史趙

匡璘敗襄州兵於鄧城

敗補邁翻

八月庚戌改華州為興

德府

以車駕駐蹕故也

戊午汴將康懷貞襲鄧州克之擒刺

史國湘趙匡凝懼遣使請服於朱全忠全忠許之

為朱全忠

再攻趙匡凝張本

己未車駕發華州壬戌至長安甲子赦天

下改元

改元光化

上欲藩鎮相與輯睦以太子賓客張有孚

為河東汴州宣慰使賜李克用朱全忠詔又令宰相與

之書使之和解克用欲奉詔而恥於先自屈乃致書王

鎔使通於全忠全忠不從

朱全忠兵力方強故不從

九月乙亥加

韓建守太傅興德尹

先是上駐蹕華州因以華州為興德府

加王鎔兼中

書令羅宏信守侍中

己丑東川留後王宗滌言於王

建以東川封疆五千里文移往還動踰數月請分遂合

瀘渝昌五州別為一鎮建表言之

顧全武攻蘇州城

中及援兵食皆盡甲申淮南所署蘇州刺史臺濛棄城

走

金城湯池非粟不守臺濛雖淮南良將柰之何哉

援兵亦遁全武克蘇州

乾寧

三年淮南陷蘇州今果追敗周本等于望亭九域志常

州無錫縣

如顧全武之言而復之

有望亭鎮在蘇州北四十五里

又四十五里至無錫敗補邁翻獨秦裴守崑山不下全

武帥萬餘人攻之

帥讀曰率

裴屢出戰使病者被甲執矛壯

者穀弓弩全武每為之却

見其弓弩之力及遠故為之却穀居候翻為于偽翻

全

武檄裴令降

降戶江翻下同

全武嘗為僧裴封函納款全武喜

召諸將發函乃佛經一卷全武大慙曰裴不憂死何暇

戲予益兵攻城引水灌之城壞食盡裴乃降錢鏐設千

人饌以待之

饌離皖翻又離聽翻

乃出

乃當作反

羸兵不滿百人

觀通鑑上

文秦裴以三千人取崑山而守之及其降也羸兵不滿百人則其兵死於戰守者殆盡其存者僅三十之一耳

鏐怒曰單弱如此何敢久為旅拒

旅衆也怙衆而拒捍曰旅拒

對曰

裴義不負楊公今力屈而降耳非心降也鏐善其言顧

全武亦勸鏐宥之鏐從之時人稱全武長者

顧全武甚識而度所

以能佐錢鏐保據一方長知兩翻

魏博節度使羅宏信薨

考異曰薛居正五

代史梁紀宏信傳太祖紀年錄皆云宏信八月卒案八月昭宗還京宏信猶加官舊紀傳九月卒今從之實錄

十月約奏到也

軍中推其子節度副使紹威知留後

汴將朱

友恭將兵還自江淮過安州

朱友恭克黃州還過安州九域志黃州西至安州三

百或告刺史武瑜潛與淮南通謀取汴軍冬十月己亥

友恭攻而殺之李克用遣其將李嗣昭周德威將步

騎二萬出青山將復山東三州

山東三州邢洺磁也是年五月葛從周取之

壬寅進攻邢州葛從周出戰大破之嗣昭等引兵退入

青山從周追之將扼其歸路步兵自潰嗣昭不能制會

橫衝都將李嗣源以所部兵至

薛史明宗紀曰羅宏信襲破李存信於莘縣帝

奮命殿軍而還武皇如其功即以所屬五百騎號曰橫衝都

謂嗣昭曰吾輩亦去則

勢不可支矣我試為公擊之

偽為于嗣昭曰善我請從公

後嗣源乃解鞍厲鏃乘高布陳

陳讀曰陣

左右指畫邢人莫

之測嗣源直前奮擊嗣昭繼之從周乃退德威馬邑人

也

馬邑秦漢舊縣名久廢開元五年分朔州善陽縣置馬邑縣於古大同軍城屬朔州

癸卯以

威武留後王審知為節度使

以羅紹威知魏博留後

丁巳以東川留後王宗滌為節度使加佑國節度

使張全義兼侍中

王珙引汴兵寇河中

珙居勇翻

王珂告

急於李克用克用遣李嗣昭救之敗汴兵於胡壁

九域志河

中府榮河縣有胡壁鎮榮河唐寶鼎縣也宋祥符中更名敗補邁翻

汴人走前常州刺史

王杙

杙之六翻

性剛介有時望詔徵之時人以為且入相

息相

亮過陝

王杙就徵道過陝州陝失冉翻

王珙延奉甚至請叙子姪之禮

拜之杙固辭不受珙怒

珙以杙同姓年輩在前行且入相請叙子姪之禮以親結之而

杙辭不受珙以杙薄其門地使出寒微而絕之也故怒

使送者殺之

考異曰杙為給事中并

遇害皆無年月今因珙代河中事附此

并其家人悉投諸河掠其資裝以

覆舟聞朝廷不敢詰

史言唐之威令不行藩鎮暴橫王杙罹其虐殺而不敢問詰去吉翻

閏月錢鏐以其將曹圭為蘇州制置使遣王球攻婺

州十一月甲寅立皇子禎為雅王祥為瓊王

以魏

博留後羅紹威為節度使

衢州刺史陳皮請降于楊

行密錢鏐使顧全武討之

降戶江翻

朱全忠以奉國節度

使崔洪與楊行密交通

淮西淮南鄰道也

遣其將張存敬攻之

洪懼請以弟都指揮使賢為質

質音致 考異曰十國紀年洪託以將士不受

節制遣兄賢質於汴按舊紀十月汴將張存敬以兵襲蔡州刺史崔洪納款請以弟賢質于汴許之實錄亦云

弟賢今從之

且言將士頑悍

悍下罕翻又侯旰翻

不受節制請遣二千

人詣麾下從征伐全忠許之

為朱全忠遣崔賢徵兵蔡將殺賢劫洪奔淮南張本

召存敬還存敬曹州人也

十二月昭義節度使薛志

勤薨李克用之平王行瑜也

見上卷乾寧二年

李罕之求邠寧

於克用克用曰行瑜恃功邀君故吾與公討而誅之昨

破賊之日吾首奏趣蘇文建赴鎮

事見同上趣讀曰促

今纔達天

聽遽復二三

復扶又翻下同

朝野之論必喧然謂吾輩復如行

瑜所為也吾與公情如同體固無所愛俟還鎮當更為

公論功賞耳

為于偽翻下同

罕之不悅而退私於蓋寓曰罕之

自河陽失守依託大庇

蓋古盍反李罕之失河陽見二百五十七卷僖宗文德元年

歲月已深比來衰老

比毗至翻近也

倦於軍旅若蒙吾王與太

傳哀愍

王謂李克用太傅謂蓋寓

賜一小鎮使數年之間休兵養疾

然後歸老閭閻幸矣寓為之言克用不應每藩鎮缺議

不及罕之罕之甚鬱鬱寓恐其有他志亟為之言

亟去吏翻

頻也數也克用曰吾於罕之豈愛一鎮但罕之鷹也饑則為

用飽則背飛

祖曹操駕御呂布之意而言之背蒲妹翻

及志勤薨旬日無帥

罕之擅引澤州兵夜入潞州據之

九域志澤州北至潞州一百六十五里帥

所類翻

以狀白克用曰薛鐵山死

薛志勤從克用起代北初名鐵山

州民

無主慮不逞者為變故罕之專命鎮撫取王裁旨

裁旨者旨

裁其可否也克用怒遣人讓之罕之遂遣其子請降于朱全

忠執河東將馬溉等及沁州刺史傅瑤送汴州克用遣

李嗣昭將兵討之

自此李克用不能與朱全忠爭邢洺磁而爭澤潞矣嗣昭先取

澤州收罕之家屬送晉陽

先取澤州既掩李罕之不備俘其家史言李嗣昭用兵有

方畧楊行密遣成及歸兩浙以易魏約等

淮南擒成及見上卷乾寧

三年兩浙擒魏約見上去年四月楊錢爭蘇州臺濛周本泰裴皆淮南名將也為浙人所困終不能守楊行密

知錢鏐未易可輕故歸成及以易魏約意在講解也錢鏐許之

錢鏐亦自知不如楊行密之強故許

之

韶州刺史曾衮舉兵攻廣州州將王瓌帥戰艦

應之

帥讀曰率

青海行軍司馬劉隱一戰破之韶州將劉潼

復據湏洽

復扶又翻湏洽當在韶州湏昌縣界或曰劉潼據湏陽洽沅二縣之間湏瘕貞翻洽胡南

翻隱討斬之

二年春正月丁未中書侍郎兼吏部尚書崔胤罷守本

官以兵部尚書陸扆同平章事

崔胤陸扆迭為拜罷

朱全忠表

李罕之為昭義節度使又表權知河陽留後丁會武寧

留後王敬瑄

瑄如招翻

彰義留後張珂並為節度使

河陽武寧皆附

屬朱全忠獨張珂在涇州而為之請節鉞亦所以結之也

楊行密與朱瑾將兵數

萬攻徐州軍于呂梁朱全忠遣騎將張歸厚救之劉

仁恭發幽滄等十二州兵十萬

十二州幽幽涿瀛莫平營薊媯檀滄景德也幽州

巡屬更有蔚新武三州劉仁恭留以備河東不發其兵

欲兼河朔攻貝州拔之城

中萬餘戶盡屠之投尸清水

清水即清河之水

由是諸城各堅

守不下仁恭進攻魏州營於城北魏博節度使羅紹威

求救于朱全忠

朱全忠遣崔賢還蔡州

崔洪以弟賢為質見上年

發其兵二千詣大梁二月蔡將崔景思等殺賢劫崔洪

悉驅兵民度淮奔楊行密兵民稍稍遁歸

安土重遷人情之常也

至廣陵者不滿二千人全忠命許州刺史朱友裕守蔡

州 朱全忠自將救徐州楊行密聞之引兵去汴人追

及之於下邳

下邳古縣唐屬徐州九域志在徐州東一百八十里

殺千餘人全忠

行至輝州

是年朱全忠表以宋州之碭山虞城單父曹州之成武置輝州即單州之封域也

聞

淮南兵已退乃還

三月朱全忠遣其將李思安張存

敬將兵救魏博屯于內黃

九域志內黃縣在魏州西南二百一十四里

癸卯

全忠以中軍軍于滑州劉仁恭謂其子守文曰汝勇十

倍于思安當先虜鼠輩後擒紹威耳乃遣守文及其妹

婿單可及將精兵五萬擊思安于內黃丁未思安使其

將袁象先伏兵於清水之右

淇水東過內黃謂之白溝水亦謂之清河

思

安逆戰於繁陽

繁陽漢古縣唐併省入內黃杜佑曰漢繁陽縣故城在內黃縣西北

陽不

勝而却守文逐之及內黃之北思安勒兵還戰伏兵發

夾擊之幽州兵大敗斬可及殺獲三萬人守文僅以身

免可及幽州驍將號單無敵燕軍失之喪氣

李克用輕單可及而

有木瓜澗之敗劉仁恭輕李思安而單可及喪元是以用兵者戒於輕敵喪息浪翻思安陳留人

也時葛從周自邢州將精騎八百已入魏州戊申仁恭

攻上水關館陶門

館陶門魏州城北門由此門出趣館陶縣因為門名

從周與

宣義牙將賀德倫出戰顧門者曰前有大敵不可返顧

命闔其扉

闔輅獵翻扉門扇也

從周等殊死戰仁恭復大敗

復扶又翻

同擒其將薛突厥王鄆郎

鄆郎外翻

明日汴魏乘勝合兵擊

仁恭破其八寨仁恭父子燒營而遁汴魏之人長驅追

之至臨清擁其衆入永濟渠殺溺不可勝紀

勝音升

鎮人

亦出兵邀擊於東境

鎮人王鎔之兵深冀趙之東境

自魏至滄五百里

間僵尸相枕

僵居良翻枕職任翻

仁恭自是不振而全忠益橫矣

幽州之兵勢皆挫故

德倫河西胡人也

薛史賀德倫其先河西部落人

父懷慶隸滑州軍為小校故德倫少為滑州將

劉仁恭之攻魏州也羅紹威遣

使修好於河東

好呼到翻

且求救壬午李克用遣李嗣昭將

兵救之會仁恭已為汴兵所敗

敗補邁翻

紹威復與河東絕

自李存信莘縣之敗魏與并絕矣今因求救而通好并兵未至而汴人有功故復與并絕

嗣昭引還

葛從周乘破幽州之勢自土門攻河東拔承天軍別

將氏叔琮自馬嶺入

馬嶺在太原府太谷縣東南八十里

拔遼州樂平

晉分

漢沾縣置樂平縣唐屬遼州

進軍榆次

榆次古縣唐屬太原府

李克用遣內牙

軍副周德威擊之叔琮有驍將陳章號陳夜叉為前鋒

俗言陰府有鬼使曰夜叉時人以請於叔琮曰河東所陳章驚悍可畏如夜叉然因稱之

恃者周楊五

周德威小字楊五

請擒之求一州為賞克用聞之

以戒德威德威曰彼大言耳戰于洞渦

洞渦水出沾縣北山東流南屈

過受陽縣故城東西過榆次縣南此据水經注也魏收地形志洞渦水一出木瓜嶺一出沾嶺一出大廉山一出原過祠下五水合流故曰同過後語轉為洞渦案高歡建大丞相府于晉陽魏收已策名霸府齊受魏禪以晉陽為別都魏收多從其主德威微服往挑戰

挑徒謂了翻

其屬曰汝見陳夜叉即走章果逐之德威奮鐵槌擊之

墜馬

瓜翻側

生擒以獻因擊叔琮大破之斬首三千級叔

琮棄營走德威追之出石會關又斬千餘級從周亦引

還丁巳朱全忠遣河陽節度使丁會攻澤州下之

去年

十二月河東兵取澤州

考異曰實錄丁巳葛從周復

取澤州案編遺錄丁巳河橋丁會收復澤州實錄云從

周誤也唐太祖紀年錄三月周德威敗氏叔琮於洞渦

驛先是逆溫令丁會將兵助李罕之戍潞州至是葛從

周復入潞州以代丁會賊復陷我澤州梁實錄薛史梁

紀皆云六月方遣從周入潞州紀年錄于此連言後事

耳婺州刺史王壇為兩浙所圍

去年閏月兩浙兵攻婺州

求救於宣

歙觀察使田頔

案宣歙觀察先是已升寧國軍

夏四月

顧遣行營都指揮使康儒等救之 五月甲午置武信

軍於遂州以遂合等五州隸之

王建之志也

李克用遣蕃

漢馬步都指揮使李君慶將兵攻李罕之巳亥圍潞州

朱全忠出屯河陽辛丑遣其將張存敬救之壬寅又遣

丁會將兵繼之大破河東兵君慶解圍去克用誅君慶

及其裨將伊審李宏襲以李嗣昭為蕃漢馬步都指揮

使代之攻潞州

庚戌康儒等敗兩浙兵於龍丘

龍丘本漢

太末縣貞觀八年更名龍丘即今龍遊縣九

擒其將王

球

王球為主將以攻婺州而見擒於龍丘蓋以浙兵逆與宣兵戰也

遂取婺州

景福元年王壇

得婺州至是失之

六月乙丑李罕之疾亟

亟紀力翻

丁卯全忠表

罕之為河陽節度使以丁會為昭義節度使未幾

幾居豈翻

又以其將張歸霸守邢州遣葛從周代會守潞州

異曰考

編遺錄

六月乙丑李罕之疾甚請歸河陽丁丑上令抽

大軍迴以丁會權制置綏懷上黨上乃東歸不言遣從

周入潞薛居正五代史梁紀六月帝表丁會為潞州節度使以李罕之疾亟故也又遣葛從周由固鎮路入于

潞州以援丁會梁實錄後唐紀皆云代會自此至潞州破賀德倫走不復見會名或者李罕之既卒復召會守

河陽以從周代之不可知也今因會鎮潞終言之

以西川大將王宗佶為武

信節度使

王建之請也

宗佶本姓甘洪州人也

丁丑李罕

之薨于懷州

李罕之自潞州赴河懷至懷州而卒

保義節度使王珙性

猜忍雖妻子親近常不自保至是軍亂為麾下所殺

僖宗

中和初王重盈鎮陝傳子珙至是而亡

推都將李璠為留後

璠音煩

秋七

月朱全忠海州戍將陳漢賓請降于楊行密淮海遊奕

使張訓以漢賓心未可知與漣水防遏使廬江王綰將

兵二千直趣海州遂據其城

楊行密自此遂有海州趣七喻翻

加荆

南節度使成汭兼中書令

馬殷遣其將李唐攻道州

卷一百六十一  
蔡結聚羣蠻伏兵于隘以擊之大破唐兵唐曰蠻所恃

者山林耳若戰平地安能敗我

敗補  
邁翻

乃命因風燔林火

燭天地羣蠻驚遁遂拔道州擒結斬之

朱全忠召葛

從周於潞州使賀德倫守之八月丙寅李嗣昭引兵至

潞州城下分兵攻澤州己巳汴將劉玘棄澤州走河東

兵進拔天并關以李孝璋為澤州刺史

李孝璋當  
作李存璋

賀德

倫閉城不出李嗣昭日以鐵騎環其城捕畝牧者

環音  
宦

附城三十里禾黍皆刈之乙酉德倫等棄城宵遁趣壺

關

賀德倫之兵既不得出城留牧城外禾黍又空糧援俱絕宜其遁也九域志壺關縣在潞州東二十五里

趣七  
喻翻

河東將李存審

李存審即  
符存審

伏兵邀擊之殺獲甚衆

葛從周以援兵至聞德倫等已敗乃還

九月癸卯以

鳳翔節度使李茂貞為鳳翔彰義節度使

是年春正月  
朱全忠表張

珂為彰義節度使張氏鎮涇州  
凡三帥矣今命李茂貞兼領之

李克用表汾州刺史

孟遷為昭義留後

為孟遷以潞州  
叛李克用張本

淄青節度使王師

範以沂密內叛

當是時朱全忠盡有河南一道之地王  
師範亦附屬焉若沂密內叛將安歸邪

又不乞師于全忠而乞  
師于楊行密此事當考

乞師于楊行密冬十月行密遣

海州刺史臺濛副使王綰將兵助之拔密州歸于師範

將攻沂州先使覘之

覘丑廉翻

曰城中皆偃旗息鼓綰曰此

必有備而救兵近不可擊也諸將曰密已下矣沂何能

為綰不能止乃伏兵林中以待之諸將攻沂州不克救

兵至引退

此救兵果誰兵歟

州兵乘之綰發伏擊敗之

敗補邁翻

十一月陝州都將朱簡殺李璠自稱留後附朱全忠仍

請更名友謙預於子姪

朱全忠又兼有陝號更工衡翻

加忠義節度

使趙匡凝兼中書令

馬殷遣其將李瓊攻郴州執陳

彥謙斬之進攻連州魯景仁自殺湖南皆平


馬殷始盡有湖南之

地

十二月加魏博節度使羅紹威同平章事



資治通鑑卷二百六十一



總校官庶吉士臣侍 朝

校對官檢討臣龔大萬

謄錄監生臣劉鳳標

欽定四庫全書薈要

史部

資治通鑑卷二百六十三

詳校官編修臣汪鏞



欽定四庫全書薈要卷七千二百四十八

史部

資治通鑑卷二百六十二 宋 司馬光 撰

胡三省 音註

唐紀七十八

起上章泥灘盡重  
光作聖凡二年

昭宗聖穆景文孝皇帝中之中

光化三年春正月宣州將康儒攻睦州

宣州將田頔  
所遣將也

錢鏐使其從弟鉞拒之

從才用翻  
鉞音求

二月庚申以西

川節度使王建兼中書令 壬申加威武節度使王審

知同平章事 壬午以吏部尚書崔肩同平章事充

清海節度使 李克用大發軍民治晉陽城塹

思朱全忠

之攻逼也  
治直之翻

押牙劉延業諫曰大王聲振華夷宜揚兵

以嚴四境不宜近治城塹損威望而啟寇心克用謝

之賞以金帛 夏四月加定難軍節度使李承慶同

平章事

難乃旦翻

朱全忠遣葛從周帥兗鄆滑魏四鎮

兵十萬擊劉仁恭

帥讀曰率

五月庚寅拔德州斬刺史傅

公和己亥圍劉守文於滄州仁恭復遣使卑辭厚禮

求援於河東

復扶又翻

李克用遣周德威將五千騎出黃

澤攻邢洺以救之

黃澤關在遼州遼山縣黃澤嶺

邕州軍亂逐節

度使李鐵

懿宗咸通三年升邕管經略使為嶺南西道節度使鐵呼會翻

鐵借兵鄰

道討平之

六月癸亥加東川節度使王宗滌同平

章事司空門下侍郎同平章事王搏明達有度量

時稱良相

以其時言之稱為良相所謂彼善於此也

上素疾宦官樞密使

宋道弼景務修專橫

橫戶孟翻

崔胤日與上謀去宦官

去羌

呂翻宦官知之由是南北司益相憎嫉各結藩鎮為援

以相傾奪搏恐其致亂從容言於上曰

從千人容翻

君當

務明大體無所偏私宦官擅權之弊誰不知之顧其

執未可猝除宜俟多難漸平以道消息

難乃旦翻以道消息者言

惡者以漸殺其勢則久而自消善者以漸培其根則久而自長

願陛下言勿輕泄以速

姦變屑聞之諧搏於上曰王搏姦邪已為道弼輩外應

上疑之及屑罷相

去年屑罷相見上卷

意搏排已愈恨之及出鎮

廣州遺朱全忠書具道搏語

是年二月出屑廣州搏語即從容言於上者遺惟李

翻令全忠表論之全忠上言屑不可離輔弼之地

上時掌翻

下連上同  
離力智翻

搏與敕使相表裏同危社稷表連上不已上

雖察其情迫於全忠不得已肅至湖南復召還

復扶  
又翻丁

卯以肅為司空門下侍郎同平章事搏罷為工部侍郎

以道弼監荆南軍務修監青州軍

監古  
街翻

戊辰貶搏溪州

刺史己巳又貶崖州司戶道弼長流驪州務修長流愛

州是日皆賜自盡搏死於藍田驛道弼務修死於霸橋

驛藍田驛在藍田縣霸橋  
驛在長安城南近霸橋於是肅專制朝政執震中外

朝直  
遙翻

宦官皆側目不勝其憤

為劉季述韓全海  
之亂張本勝音升

劉仁

恭將幽州兵五萬救滄州營於乾寧軍

乾寧軍在滄州西一百里蓋乾

寧間始置此軍也宋白曰乾寧軍本古盧臺軍地後為馮橋鎮臨御河之岸接滄幽二州之界周顯德六年收

復關南始建為乾寧軍九域志云太平興國七年始置軍葛從周留張存敬氏叔琮

守滄州寨自將精兵逆戰於老鵝堤

老鵝堤在乾寧軍東南

大破

仁恭斬首三萬級仁恭走保瓦橋

瓦橋在涿州歸義縣南至莫州三十里宋

白曰瓦橋亦謂之瓦子濟橋在涿州南易州東周顯德初復二關以其地控幽薊建為雄州

秋七月

李克用復遣都指揮使李嗣昭將兵五萬攻邢洺以救

仁恭敗汴軍於內丘

復扶又翻敗補邁翻下同范成大北使錄內丘縣至邢州三十五里

考異曰唐太祖紀年錄七月嗣昭攻堯山至內丘遇  
汴軍三千戰敗之擒其將李瓌薛居正五代史後唐紀  
與紀年錄同惟唐末見聞錄八月二十五日嗣昭領馬  
步五萬取馬嶺進軍下山東某日山東告捷收得洺州  
九月二日嗣昭兵士失利却回新紀八月庚辰陷洺州  
薛史唐紀九月嗣昭棄城歸蓋據此也按編遺錄八月  
中云前月二十五日上於毬場饗士忽有大風占者云  
賊風果於是時李進通領蕃寇出攻洺州然則嗣昭出  
兵乃七月二十五日也編遺錄又曰八月乙丑出兵救  
洺州乙丑九日也又進通敗奔歸太原在八月乙丑見聞錄  
誤今從編遺錄王鎔遣使和解幽汴會久雨朱全忠召  
紀年錄梁紀

從周還

滄州下濕雨水難以駐  
軍且欲救邢洺故召還

庚戌以昭義留後孟

遷為節度使

甲寅以西川節度使王建兼東川信武

軍兩道都指揮制置等使

時置武信軍於遂州信武當作武信王建兼指揮制置兩

道則可以制宗滌宗信蓋諷朝廷以此命之

八月李嗣昭又敗汴軍于沙

門河

沙門河疑當作沙河即邢州沙河縣也

考異曰

攻洺州八月乙丑發大軍救應之上尋亦自領衙軍相繼北征翌日達滑臺軍前馳報洺州已陷刺史朱紹宗因踰堞墮而傷足為賊所擒唐太祖紀年錄八月李嗣昭又遇汴軍於沙門河擊而敗之進攻洺州刺史朱紹宗挈其族夜遁我師追及擒之唐末見聞錄八月二十五日嗣昭進軍下山東某日山東告捷收得洺州捉得刺史朱溫姪男舊紀八月庚辰嗣昭攻洺州下之薛史梁紀八月河東遣李進通襲陷洺州新紀亦在庚辰乃二十五日也實錄在九進攻洺州乙丑朱全忠引兵救月約奏到今從編遺錄

之未至嗣昭拔洺州擒刺史朱紹宗全忠命葛從周將

兵擊嗣昭

宣州將康儒食盡自清溪遁歸

康儒是年正月攻睦

州清溪漢歙縣地後分置新安縣隋改為雒山文明元年復為新安開元二十年改為還淳永貞元年避憲宗名改曰清溪屬睦州九域志

九月葛從周自鄴縣度

漳水營於黃龍鎮朱全忠自將中軍三萬涉洺水置營

李嗣昭弃城走

弃洺州城而走

從周設伏於青山口邀擊大破

之考異曰唐太祖紀年錄葛從周攻洺州嗣昭弃城而歸是役也王邵郎楊師悅陷賊洺州復為汴有唐

末見聞錄九月二日嗣昭兵士失利却回被汴州捉到王邵郎編遺錄薛居正五代史梁紀八月帝遣葛從周

屯黃龍鎮親領中軍涉洛而寨晉人憇而宵遁洺州復  
平唐紀九月汴帥自將兵三萬圍洺州嗣昭棄城而歸  
葛從周伏青山口嗣昭軍不利實錄九月嗣昭奔洺州  
敗於青山口今從唐末見聞錄唐紀實錄又按考異所  
錄唐紀蓋  
後唐紀崔胤以太保門下侍郎同平章事徐彥若

位在已上惡之

惡鳥路翻

彥若亦自求引去

徐彥若可謂知選增擊而去之

之意

時藩鎮皆為彊臣所據惟嗣薛王知柔在廣州

知柔

鎮廣州見二百六十卷乾寧元年

乃求代之乙巳以彥若同平章事充

清海節度使初荆南節度成汭以澧朗本其巡屬為雷

滿所據

肅宗至德二載置荆南節度領荆澧朗郢復夔峽忠萬歸十州後增領分隸不一自雷滿據澧

朗又分置武  
貞軍節度

屢求割隸荆南朝廷不許汭頗怨望

薛史曰汭

奏請割隸彦若為相  
執不行汭由是銜之

及彦若過荆南汭置酒從容以為

言

從千容翻

彦若曰令公位尊方面自比桓文

成汭進中書令故稱之為

公雷滿小盜不能取乃怨朝廷乎汭甚慙 丙午中書

侍郎兼吏部尚書同平章事崔遠罷守本官以刑部尚

書裴贄為中書侍郎同平章事贄坦之弟子也

裴坦見二百五

十一卷懿宗  
咸通十年

升桂管為靜江軍以經略使劉士政為節

度使 朱全忠以王鎔與李克用交通移兵伐之

自洛州移

趙兵伐

下臨城踰滹沱攻鎮州南門焚其關城全忠自至

元氏鎔懼遣判官周式詣全忠請和全忠盛怒謂式曰

僕屢以書諭王公竟不之聽今兵已至此期於無捨式

曰鎮州密邇太原

鎮州與太原僅隔山耳九域志鎮州西距太原四百三十里

困於

侵暴

李克用自得河東以來屢攻趙

四鄰各自保莫相救恤王公與之

連和乃為百姓故也

為于偽翻下同今明公果能為人除

害則天下誰不聽命豈惟鎮州明公為唐桓文當崇禮

義以成霸業若但窮威武則鎮州雖小城堅食足明公

雖有十萬之衆未易攻也况王氏秉旄五代

庭湊元達  
紹鼎紹懿

景崇及鎔為五世蓋紹鼎  
紹懿兄弟也共為一世

時推忠孝人欲為之死庸可

冀乎全忠笑攬式袂延之帳中曰與公戲耳

周式之說  
朱全忠猶

屈完之說齊桓公也而當時汴鎮攻守之勢誠亦  
如此全忠易怒為笑而延之以其言中其要害也

乃遣

客將開封劉捍入見鎔

客將主賓客  
掌通名贊謁

鎔以其子節度副

使昭祚及大將子弟為質

質音致

以文繒二十萬犒軍

文繒

絹之有文者  
今謂之花絹

全忠引還以女妻昭祚

還從宣翻又如  
字妻七細翻

成

德判官張澤言於王鎔曰河東勍敵也

勍車  
京翻

今雖有朱

氏之援譬如火發於家安能俟遠水乎彼幽滄易定猶

附河東不若說朱公乘勝兼服之

幽劉仁恭滄劉守文  
易定王郛說式丙翻

下使河北諸鎮合而為一則可以制河東矣鎔復遣周

式往說全忠

復扶  
又翻

全忠喜遣張存敬會魏博兵擊劉仁

恭甲寅拔瀛州冬十月丙辰拔景州執刺史劉仁霸辛

酉拔莫州

靜江節度使劉士政聞馬殷悉平嶺北

湖南

之地在五

嶺之北 大懼遣副使陳可璠屯全義嶺以備之

璠孚  
來翻

武德四年分始安置臨源縣大歷三年更名全義屬桂  
州國朝改全義為興安縣在桂州東北一百五十里

殷遣使修好於士政

好呼到翻

可璠拒之殷遣其將秦彥暉

李瓊等將兵七千擊士政湖南軍至全義士政又遣指

揮使王建武屯秦城

范成大桂海虞衡志曰秦城在桂林城北八十里相傳以為始皇發

戍五嶺之地城在湘水之南融灘二水之間遺址尚存石甃亦無恙城北二十里有嚴關羣山環之鳥道不可

方軌秦取百粵以其地為桂林象郡而戍兵乃止湘南蓋嶺有喉衿在是稍南又不可以宿兵也

可璠

掠縣民耕牛以犒軍縣民怨之請為湖南鄉導

犒苦到翻鄉讀

嚮曰此西南有小徑距秦城纔五十里僅通單騎彥暉

遣李瓊將騎六十步兵三百襲秦城中宵踰垣而入擒

王建武比明復還紾之以練造可璠壁下示之

比必利翻及也

紾充夜翻繫縛也造七到翻

可璠猶未之信斬其首投壁中桂人震

恐瓊因勒兵擊之擒可璠降其將士二千皆殺之引兵

趣桂州

趣七喻翻下同

自秦城以南二十餘壁皆望風奔潰遂

圍桂州數日士政出降

乾寧二年劉士政襲據桂州至是而敗

桂宜巖柳

象五州

宜州之地秦屬象郡漢屬交趾日南二郡界皆後沒于蠻唐初開置粵州乾封中更曰宜州

降於湖南

馬殷又兼有桂管唐書本紀路振九國志楚世家皆云光化二

年殷克桂州馬氏行年記及王舉大定錄云天復元年惟曹衍湖湘馬氏故事云天復甲子宣歲自安州入桂

州天祐四年丁卯十二月收嶺北七州明年十月平桂  
州差繆極甚新唐書方鎮表光化三年升桂管經略使  
為靜江節度使而本紀乾寧二年安州防禦使宣晟陷  
桂州靜江軍節度使周元靜部將劉士政死之歲月既  
已倒錯又以士政為元靜部將同死尤為乖誤今据武  
安節度掌書記林崇禧撰武威王廟碑云我王臨位五  
歲而桂林歸款自乾寧三年至光化三年五年矣又與實錄合故從之  
馬殷以李瓊為桂

州刺史未幾

幾居豈翻

表為靜江節度使

張存敬攻劉仁

恭下二十城將自瓦橋趣幽州道濘不能進

濘乃定翻泥淖也

乃引兵西攻易定辛巳拔祁州

景福二年王處存表以定州無極深澤二縣置

祁州殺刺史楊約

癸未以保義留後朱友謙為節度使

朱全忠請之也

張存敬攻定州義武節度使王郛

郛居號翻

遣後

院都知兵馬使王處直將兵數萬拒之

唐中世以來方鎮多置後院兵

處昌呂翻

處直請依城為柵俟其師老而擊之孔目官梁汶

曰昔幽鎮兵三十萬攻我

汶音問薛史作問僖宗光啓元年幽州李可舉鎮州王鎔

攻王處直事見二百五十六卷

于時我軍不滿五千一戰敗之

敗補今邁翻

存敬兵不過三萬我軍十倍於昔柰何示怯欲依城自

固乎郛乃遣處直逆戰于沙河

沙河在新城北望都縣南

易定兵大

敗死者過半餘衆擁處直奔還甲申王郛弃城奔晉陽

王處存素睦於晉又  
昏姻也故郃奔之

軍中推處直為留後存敬進圍定

州丙申朱全忠至城下處直登城呼曰

呼火故翻

本道事朝

廷甚忠

義武自張存忠以來  
事朝廷最為忠順

於公未嘗相犯何為見攻

全忠曰何故附河東對曰吾兄與晉王同時立勲

謂王處存

與李克用同封疆密邇

自定州出飛狐  
即河東之境

且昏姻也修好

往來乃常理耳

好呼到翻

請從此改圖全忠許之

定州城池  
高深朱全

忠知不可猝攻而拔故許其和

乃歸臯於梁汶而族之以謝全忠以繒

帛十萬犒師全忠乃還仍為處直表求節鉞

偽為于翻

處直

處存之母弟也劉仁恭遣其子守光將兵救定州軍於

易水之上

易水在易州遂城縣界遂城縣於宋為安肅軍昔燕太子丹送荆軻於易水之上即此地

全忠遣張存敬襲之殺六萬餘人由是河北諸鎮皆服

於全忠

史言河北諸鎮皆羈服於全忠全忠不能并有其地也

先是王郜告急於

河東

先悉薦翻

李克用遣李嗣昭將步騎三萬下太行政懷

州拔之

行戶剛翻

進攻河陽河陽留後侯言不意其至狼狽

失據嗣昭壞其羊馬城

壞音怪城外別立短垣以屏蔽謂之羊馬城

會佑國

軍將閻寶引兵救之

河南府佑國軍東北至河陽八十五里

力戰於壕外

河東兵乃退寶鄆州人也

初崔胤與帝密謀盡誅宦

官及宋道弼景務修死

事見上六月

宦官益懼上自華州還

光化元年上還自華州事見上卷還從宣翻又如字

忽忽不樂

樂音洛

多縱酒喜怒

不常左右尤自危於是左軍中尉劉季述右軍中尉王

仲先樞密使王彥範薛齊偓等陰相與謀曰主上輕佻

多變詐難奉事

佻土彫翻

專聽任南司

時宦官謂之北司謂南牙百官為南司

吾輩終罹其禍不若奉太子立之尊主上為太上皇引

岐華兵為援

岐李茂貞華韓建華戶化翻

控制諸藩誰能害我哉十

一月上獵苑中

禁苑在宮城北

因置酒夜醉歸手殺黃門侍女

數人明旦日加辰巳宮門不開季述詣中書白崔肩曰

宮中必有變我內臣也得以便宜從事請入視之乃帥

禁兵千人破門而入

帥讀曰率

訪問具得其狀出謂肩曰主

上所為如是豈可理天下廢昏立明自古有之為社稷

大計非不順也肩畏死不敢違庚寅季述召百官陳兵

殿庭

陳兵以脅百官也

作肩等連名狀請太子監國以示之使

署名肩及百官不得已皆署之

監古上在乞巧樓按劉

街翻

季述

傳乞巧樓在思立門內近思政殿

季述仲先伏甲士千人於門下即宣化門

外與宣武進奏官程巖等十餘人入請對季述仲先甫

登殿將士大呼

呼火故翻

突入宣化門至思政殿前逢宮人

輒殺之上見兵入驚墮床下起將走季述仲先掖之令

坐宮人走白皇后后趨至拜請曰軍容勿驚宅家有事

取軍容商量

量音良今人謂議事為商量

季述等乃出百官狀白上

曰陛下厭倦大寶中外羣情願太子監國請陛下保願

東宮

願養也言於少陽院自保養也

上曰昨與卿曹樂飲不覺太過

樂音

洛何至於是對曰此非臣等所為皆南司衆情不可遏

也願陛下且之東宮

之往也

待事小定復迎歸大内耳后

曰宅家趣依軍容語

趣讀曰促

即取傳國寶以授季述宦官

扶上與后同輦嬪御侍從者纔十餘人

從才用翻

適少陽院

季述以銀槌畫地數上曰

槌側加翻數所具翻俗從上聲

某時某事汝

不從我言其罪一也如此數十不止

歷數十不止

乃手鎖

其門鎔鐵錮之

錮音固

遣左軍副使李師虔將兵圍之上

動靜輒白季述穴牆以通飲食凡兵器針刀皆不得入

上求錢帛俱不得求紙筆亦不與時大寒嬪御公主無

衣衾號哭聞於外

號戶刀翻  
聞音問

季述等矯詔令太子監國

迎太子入宮

考異曰按此月乙酉朔己丑五日庚寅  
六日也廢立之日舊紀云庚寅舊宦者傳

唐年補紀皆云六日無云五日者而實錄新紀云己丑  
誤也唐太祖紀年錄先云六日後云七日尤誤也崔胤  
所恃者昭宗耳季述議廢立安肯即從之補錄紀年錄  
言脅之以兵是也唐補紀云皇后穴牆取太子又云令  
旨宣告大臣與社稷為主又云后白軍容令  
聖上養疾皆程匡柔為宦者諱耳不可信也

辛卯矯詔

令太子嗣位更名縝

更工衡翻下  
同縝止忍翻

以上為太上皇皇后

為太上皇后甲午太子即皇帝位更名少陽院曰問安

宮季述加百官爵秩與將士皆受優賞欲以求媚於衆

殺睦王倚

倚上弟也

凡宮人左右方士僧道為上所寵信者

皆榜殺之

榜音彭

每夜殺人晝以十車載尸出一車或止

一兩尸欲以立威將殺司天監胡秀林

武德四年改太史監曰太史局

有令有丞高宗龍朔二年改太史局曰秘書閣局令曰秘書閣郎中武后光宅元年改太史局曰渾天監俄改

曰渾儀監長安二年復曰太史局中宗景龍二年改太史局曰太史監乾元元年改曰司天臺置監一人正三

品掌祭天文稽歷數

秀林曰軍容幽囚君父更欲多殺無辜乎季

述憚其言正而止季述欲殺崔肩而憚朱全忠但解其

度支鹽鐵轉運使而已

考異曰舊傳劉季述畏朱全忠之強不敢殺崔肩但罷知政

事落使務守本官而已肩復致書於全忠請出師返正故全忠令張存敬急攻晉絳河中按舊紀新紀新宰相表此際皆無肩罷相事全忠攻晉絳河中乃在明年返正後今不取左僕射致仕張濬在

長水

乾寧三年上復欲相張濬以李克用言而止濬遂致仕居長水宋白曰長水本漢盧氏縣地後魏延

昌二年分盧氏東境庫谷已西沙渠谷已東為南陝縣北有陝縣故名南陝廢帝元年改為長淵以縣東洛水長淵為名唐以犯唐祖諱改名長水見張全義於洛陽九域志在河南府西二百四十里

勸之匡復又與諸藩鎮書勸之進士無棣李愚客華州上韓建書畧曰僕每讀書見父子君臣之際有傷教害

義者恨不得肆之市朝

上時掌翻朝直送翻下並同

明公居近關重

鎮

蓋謂華州控扼潼關距關為近

君父幽辱月餘坐視凶逆而忘勤王

之舉僕所未諭也僕竊計中朝輔弼雖有志而無權外

鎮諸侯雖有權而無志惟明公忠義社稷是依往年車

輅播遷號泣奉迎累歲供饋再復廟朝

謂乾寧三年建上駐蹕華州光

化元年歸長安也廟朝謂宗廟朝廷也號戶刀翻

義感人心至今謠詠此時事

勢尤異前日明公地處要衝

處昌呂翻

位兼將相自宮闈變

故已涉旬時

旬時即旬日也

若不號令率先以圖反正遲疑未

決一朝山東侯伯唱義連衡

衡讀曰橫

鼓行而西明公求欲

自安其可得乎

言山東勤王之師若至華州韓建亦不得安其位矣其後朱全忠攻岐遂徙建

許州卒如此李愚之言

此必然之勢也不如馳檄四方諭以逆順軍

聲一振則元凶破膽旬浹之間二豎之首傳於天下

旬浹

謂一日二日至于十日決即協翻二豎謂劉季述王仲先

計無便於此者建雖不能

用厚待之愚堅辭而去朱全忠在定州行營聞亂丁未

南還十二月戊辰至大梁季述遣養子希度詣全忠許

以唐社稷輸之又遣供奉官李奉本以太上皇誥示全

忠

劉季述矯為之誥也

全忠猶豫未決會僚佐議之或曰朝廷大

事非藩鎮所宜預知天平節度副使李振獨曰王室有

難難

旦翻

乃此霸者之資也今公為唐桓文安危所屬

李振以齊

桓晉文諂朱全忠屬之欲翻

季述一宦豎耳乃敢囚廢天子公不能

討何以復令諸侯

復扶又翻

且幼主位定則天下之權盡歸

宦官矣是以太阿之柄授人也全忠大悟即囚希度奉

本遣振如京師訶事

訶火迴翻又翻正翻

既還又遣親吏蔣玄暉

如京師與崔肩謀之又召程巖赴大梁

考異曰薛居正五代史李振

十一月太祖遣振入秦於長安邸吏程巖白振曰劉中尉命其姪希貞來計大事既至巖乃先啓曰主上巖急內官憂恐左中尉欲行廢黜敢以事告振顧希貞曰百歲奴事三歲主亂國不義廢君不祥非敢聞也况梁王以百萬之師匡輔天子幸熟計之希貞大泪而去振復命劉季述果作亂程巖率諸道邸吏牽帝下殿以立幼主振至陝陝已賀矣護軍韓彛範言其事振曰懿皇初昇遐韓中尉殺長立幼以利其權遂亂天下今將軍復欲爾邪彛範即文約孫也由是不敢言編遺錄上雖聞其事未知撫實但懷憤激丁未上離定州軍前十二月戊辰達大梁欲潛謀返正乃遣李振偵視其事振迴益詳其宜也尋馳蔣玄暉與崔胤密圖大義薛史梁紀季述幽昭宗立德王裕為帝仍遣其養子希度來言為以唐之神器輸於帝時帝方在河朔聞之遽還于汴大計未決會李振自長安使回因言於帝云云帝悟因請振復使于長安與時宰潛謀返正按季述廢立之前李振

若已嘗立異今豈敢復入長安與崔肩謀返正乎今從  
編遺錄注曰貞明中史臣李琪張袞郝殷象馮錫嘉修  
撰太祖實錄事多漏略敬翔別纂成三十卷補其闕號  
曰大梁編遺錄又按唐太祖紀年錄及舊張濬傳皆云  
濬勸諸藩匡復而梁實錄及李振傳皆云濬勸全忠附  
中官與紀年錄及舊傳相違恐梁實錄誤振傳据實錄  
也唐補紀曰自監國居位將及五旬牋表不來朝野驚  
虞亢旱時多虹蜺背牆崔肩覩其不祥便謀內變潛行  
書檄於闕外播揚辭舌於街衢朱全忠封崔肩檄書併  
手札等與季述云彼已翻覆早宜別圖無何季述以此  
書示于崔肩曰比來同匡社稷却為闖亂藩方不審相  
公何至于此肩唯云無此事遭人反圖刻蠟偽名自古  
乃有軍容若行怪怒則乞俯存家族季述乃與言誓相  
保始終肩其夜便致書謝全忠云昨以丹誠諮撓尊聽  
却蒙封示左軍劉公其人已知意旨今日與肩設盟不  
相損害然遠託令公為主方應保全兼送女僕二人細

馬兩匹全忠覽書大詔曰劉季述我與伊同王事十二年兄弟之故特令報渠不能自謀却示崔相道我兩頭三面直是難容我若不殺此公不姓朱也乃擲於地囚其使者走一健步直申崔公從茲與大梁同謀大事按崔肩勳來內倚昭宗外挾全忠與宦宮為敵今昭宗既廢肩所以得未死者以與全忠親密故也全忠安肯以其書示季述季述恨肩深入骨髓若得此書立當殺肩豈肯復以示肩而與之盟誓也此殊不近人情皆由程匡柔黨宦官疾肩之辭耳

清海節度使薛王知柔薨 是歲加

楊行密兼侍中

睦州刺史陳晟卒弟詢自稱刺史

太子即位累旬藩鎮牋表多不至王仲先性苛察素知左右軍多積弊及為中尉鉤校軍中錢穀得隱沒為姦

者痛捶之

捶止藥翻

急徵所負將士頗不安有鹽州雄毅軍

使孫德昭為左神策指揮使自劉季述廢立常憤惋不

平

惋烏貫翻

崔肩聞之遣判官石戩與之遊

判官度支鹽鐵判官也戩即棧

翻

德昭每酒酣必泣戩知其誠乃密以肩意說之曰自

上皇幽閉中外大臣至于行間士卒孰不切齒

說式芮翻行戶

剛翻

今反者獨季述仲先耳公誠能誅此二人迎上皇復

位則富貴窮一時忠義流千古苟狐疑不決則功落它

人之手矣德昭謝曰德昭小校

校戶教翻

國家大事安敢專

之苟相公有命不敢愛死戩以白肩肩割衣帶手書以

授之德昭復結右軍清遠都將董彥弼周承誨

清遠都亦神策

五十四都之一復扶又翻謀以除夜伏兵安福門外以俟之

天復元年

是年四月方改元

春正月乙酉朔王仲先入朝至安

福門孫德昭擒斬之馳詣少陽院叩門呼曰

呼火故翻

逆賊

已誅請陛下出勞將士

勞力到翻

何后不信曰果爾以其首

來德昭獻其首上乃與后毀扉而出

扉門扇也

崔肩迎上御

長樂門樓

新書儀衛志太極宮端門曰承天門承天門分爲東西廊下門自東廊下入長樂門自西

廊下入永安門凡朝會之仗

帥百官稱賀

帥讀曰率

周承誨

擒劉季述王彥範繼至方詰責已為亂梃所斃

詰去吉翻梃徒

鼎翻薛齊偓赴井死出而斬之滅四人之族并誅其黨二

十餘人宦官奉太子匿于左軍獻傳國寶上曰裕幼弱

為凶豎所立非其罪也命還東宮黜為德王復名裕

裕之

為宦官所立也更名鎮今復其舊名

丙戌以孫德昭同平章事充靜海節

度使

靜海軍安南孫德昭遙領也

賜姓名李繼昭丁亥崔胤進位司

徒胤固辭上寵待胤益厚己丑朱全忠聞劉季述等誅

折程巖足

折而設翻薛史梁紀曰昭宗之廢也汴之邸吏程巖牽昭宗衣下殿帝召巖至汴折其足

至長安殺之

械送京師并劉希度李奉本等皆斬於都市由

是益重李振

李振請誅劉季述等見上

庚寅以周承誨為嶺南西道

節度使賜姓名李繼誨董彥弼為寧遠節度賜姓李並

同平章事與李繼昭俱留宿衛十日乃出還家

即旬休之制也

賞賜傾府庫時人謂之三使相

未幾周承誨董彥弼復朋比宦官獨孫德昭不

肯癸巳進朱全忠爵東平王

考異曰舊紀二月以全忠守中書令進封梁王薛

居正五代史梁紀正月癸巳進封帝為梁王酬返正之功也實錄癸巳沛郡王朱全忠加定謀宣力功臣進封

東平王新紀二月辛未封全忠為梁王按編遺錄此年二月辛未表讓梁王三年二月制云兔苑名邦睢陽與壤光膺簡冊大啓封疆可守太尉中書令進封梁王或者今年已曾封梁王全忠讓不受改封東平王至三年乃進封梁王而三年制辭前官爵已稱梁王蓋誤也今從實錄

丙午敕近年宰臣延

英奏事樞密使侍側爭論紛然既出又稱上旨未允復

有改易橈權亂政

復扶又翻橈奴教翻或奴巧翻

自今並依大中舊制

俟宰臣奏事畢方得升殿承受公事

大中故事凡宰相對延英兩中尉先

降樞密使候旨殿西宰相奏事已畢樞密使案前受事

賜兩軍副使李師度徐彥

孫自盡皆劉季述之黨也

鳳翔彰義節度使李茂貞

來朝加茂貞守尚書令

唐自太宗以尚書令即阼不復授人郭子儀有大功雖授之而

不敢受王行瑜怙強力雖求之而終不獲蓋君臣上下猶知守先朝之法也今以授李茂貞唐法蕩然於此極

矣兼侍中進爵岐王劉季述王仲先旣死崔胤陸扆上

言上時掌翻禍亂之興皆由中官典兵乞令胤主左軍扆主

右軍則諸侯不敢侵陵王室尊矣上猶豫兩日未決李

茂貞聞之怒曰崔胤奪軍權未得已欲翦滅諸侯上召

李繼昭李繼誨李彥弼謀之皆曰臣等累世在軍中未

聞書生為軍主若屬南司必多所變更

更工衡翻

不若歸之

北司為便上乃謂肩辰曰將士意不欲屬文臣卿曹勿

堅求於是以樞密使韓全誨鳳翔監軍使張彥弘為左

右中尉全誨亦前鳳翔監軍也

為韓全誨劫上幸鳳翔張本

又徵前

樞密使致仕嚴遵美為兩軍中尉觀軍容處置使遵美

曰一軍猶不可為况兩軍乎

按新書宦者傳嚴遵美嘗歷左神策觀軍容使故云

然處昌呂翻

固辭不起以表易簡周敬容為樞密使李茂貞

辭還鎮崔胤以宦官典兵終為肘腋之患欲以外兵制

之諷茂貞留兵三千于京師充宿衛以茂貞假子繼筠

將之左諫議大夫萬年韓偓以為不可肩曰兵自不肯

去非留之也偓曰始者何為召之邪肩無以應

新書韓偓傳肩

召李茂貞入朝使留族子繼筠宿衛故斥言之而肩無以應偓於角翻

偓曰留此兵則家

國兩危不留則家國兩安肩不從

李繼筠卒與宦官劫帝幸鳳翔

考異曰

唐補紀曰其月八日李茂貞朝觀留二千人在右街侍衛而回崔肩申朱全忠請三千人在南坊宅側安下鳳翔劫駕西去朱全忠又聞以車子載器仗稱是紬絹進奉推車子人皆是官健入崔肩宅中心心驚惶不同前後崔肩累差人喚召朱全忠不到新傳韓全誨等知崔肩必除已乃已因諷茂貞留選士四千宿衛以李繼徽搃之肩亦諷朱全忠納兵二千居南司以婁敬思領之蓋取唐補紀耳按韓偓金鑒密記偓對昭宗云當留兵

之時臣五六度與崔胤力爭胤曰某實不留兵是兵不肯去臣曰其初何用召來又胤云且喜岐兵只留三千人據此則是胤召茂貞入朝仍留其兵也又舊紀梁實錄編遺錄薛居正五代史梁紀等諸書皆不言全忠嘗遣兵宿衛京師若如唐補紀所言岐汴各遣兵數千人戍京師則昭宗欲西幸時兩道兵必先闕於闕下不則汴兵皆為宦官所誅不則先遁去今皆無此事蓋程匡柔得於傳聞又黨於宦官深疾崔胤未足信也然胤所以欲留茂貞兵為已援者蓋以茂貞自以誅劉季述為已功必能與已同心雖疾宦官以利誘之遂復與宦官為一耳今

朱全忠既服河北欲先取河中以制河東

從金鑒記

已亥召諸將謂曰王珂駑材恃太原自驕汰

駑音奴王珂恃李克

用翁堦之親而不事朱全忠故云然

吾今斷長蛇之腰諸君為我以一繩

縛之

言河東河中兩鎮連衡以通長安今若取河庚子中是斷李克用之腰也斷丁管翻為于偽翻

遣張存敬將兵三萬自汜水度河出含山路以襲之

含山

在絳州東張濬之敗也出含口至河陽度河西歸即此路全忠以中軍繼其後戊申

存敬至絳州晉絳不意其至皆無守備庚戌絳州刺史

陶建釗降之

釗音昭降戶江翻

壬子晉州刺史張漢瑜降之全

忠遣其將侯言守晉州何紆守絳州

紆音因

屯兵二萬以

扼河東援兵之路朝廷恐全忠西入關急賜詔和解之

全忠不從珂遣間使告急于李克用道路相繼

間古克覓翻

用以汴兵先據晉絳兵不得進

九域志太原西南二百六十里至汾州汾州南

三百五十里至晉州晉州南百二十五里至絳州絳州西南六十五里至河中府援兵擇便利投間隙而行固

不盡由驛道但汴兵已屯晉絳以塞其衝并兵縱由捷徑得進汴兵遮前險守後要進不得援河中退不得歸

太原珂妻遺李克用書曰

遺唯季翻下又遺同

兒旦暮為俘虜大

人何忍不救克用報曰今賊兵塞晉絳

塞悉則翻

衆寡不敵

進則與汝兩亡不若與王郎舉族歸朝

自晉以來婦翁皆呼壻為郎迨

然今猶

珂又遺李茂貞書言天子新返正詔藩鎮無得相

攻同獎王室今朱公不顧詔命首興兵相加其心可見

河中若亡則同華邠岐俱不自保

同華韓建邠李茂貞養子繼微岐茂貞所

鎮也天子神器拱手授人其執必然矣公宜亟帥關中諸

鎮兵固守潼關赴救河中

帥讀曰率

僕自知不武願於公西

偏授一小鎮此地請公有之關中安危國祚修短繫公

此舉願審思之茂貞素無遠圖不報

此時李茂貞若能救河中以連河東

異時鳳翔必無受圍之困

二月甲寅朔河東將李嗣昭攻澤州拔

之乙卯張存敬引兵發晉州己未至河中遂圍之王珂執窮將奔京師而人心離貳會浮梁壞流澌塞河舟行

甚難

浮梁謂蒲津之浮梁也河中府治河東縣架浮梁以通河西縣自此路西入長安塞悉則翻

珂

挈其族數百欲夜登舟親諭守城者皆不應牙將劉訓

曰今人情擾擾若夜出涉河必爭舟紛亂一夫作難事

不可知不若且送款存敬徐圖向背珂從之壬戌珂植

白幡於城隅

難乃旦翻背蒲妹翻植直吏翻又如字

遣使以牌印請降於

存敬存敬請開城珂曰吾於朱公有家世事分

珂父重榮朱全

忠以舅事之分扶問翻

請公退舍俟朱公至吾自以城授之存敬

從之且使走白全忠乙丑全忠至洛陽聞之喜

凡用兵者擁彊

大之衆以臨弱小必曰以此衆戰誰能禦之以此攻城  
何城不克此以聲形臨敵者也而弱小者能堅力一心  
而守之以大衆困於堅城之下者亦多矣故善用兵者  
不以大衆為可恃而以攻城為最下王珂之迎降朱全  
忠之所馳往赴之戊辰至虞鄉

九域志虞鄉在河中府東六十里

先哭

於重榮之墓盡哀河中人皆悅珂欲面縛牽羊出迎全

忠遽使止之曰太師舅之恩何可忘

全忠由重榮歸國故云然

若郎

君如此使僕異日何以見舅於九泉乃以常禮出迎握

手歔歔

歔音虛歔音希又許既翻

聯轡入城全忠表張存敬為護國

軍留後王珂舉族遷于大梁

僖宗廣明元年王重榮據河中傳兄重盈以及子珂

凡二十二年而亡朱全忠自此有河中晉絳

其後全忠遣珂入朝遣人殺之

于華州全忠聞張夫人疾亟遽自河中東歸

張夫人全忠之妻也

李克用遣使以重幣請修好於全忠

好呼到翻

全忠雖遣使

報而忿其書辭蹇傲決欲攻之

考異曰唐末見聞錄乾寧四年六月差軍將

發往汴州為使其書云云汴州回書云云據全忠書有  
前年洹水曾獲賢郎去歲青山又擒列將又云鎮定歸  
款蒲晉求和則非乾寧四年明矣唐年補錄天復元年  
五月壬午制以朱全忠兼領河中仍詔與太原通和初  
朝廷以全忠吞併河朔又收下蒲津必恐兵起相侵乃  
下詔太原夷門使務和好時太原意亦以全忠漸強先  
以書聘全忠書辭與見聞錄同全忠荅太原書又進表  
云臣與太原曾於頃歲首締歡盟及其偶掇猜嫌止為

各爭言氣又云但以來書意旨未息披攘又云臣詳茲  
來意益切憤懷不敢遂與通和必恐有孤朝寄已遣諸  
軍進討訖續寶運錄載全忠表云臣當道先自河府抽  
軍便赴太原進討已累具狀分析聞奏訖臣今月二十  
三日部領牙隊到東都李克用差到專使張特與臣書  
一封并駝馬弓箭銀器匹段等與臣通和其張特臣且  
與回書放歸訖當月河府抽回兵士即勒權於河陽屯  
駐見排比收復潞州使遷迤赴太原進討次其李克用  
與臣書一封謹隨狀封進天復四年二月奏其年三月  
二日表到駕前奉襄宗三月八日敕云云天復四年  
尤誤也編遺錄天復元年二月李克用遣軍將張特執  
檄厚幣而來釋憾亦差軍將持函以為報又曰辛巳上  
欲北回軍便征北虜近者李克用以甘言重幣請通和  
好遂具事奏聞語與補錄同唐太祖紀年錄天復元年  
六月太祖以梁冠方彊難以兵伏陽降心以緩其謀乃  
遣押牙張特持幣馬書檄以諭之請復舊好書詞大陳

北邊五部士馬之盛皆吾外援朱溫視之不憚令敬翔修報詞旨踈拙人士嗤之薛居正五代史梁紀天復元年二月李克用遣牙將張特來聘帝亦遣使報命李襲吉傳天復中武皇議欲修好於梁命襲吉以貽梁祖書辭與見聞錄同其年月日各參差不同據全忠答太原書云今月二十二日使至又上表云先自河府抽軍赴太原又云二十三日到東都則克用書達全忠必在天復元年二月下旬今從編遺錄梁記以翰

林學士戶部侍郎王溥為中書侍郎同平章事以吏部

侍郎裴樞為戶部侍郎同平章事溥正雅之從孫也

王正

雅見二百四十四卷文宗太和五年從才用翻

常在崔胤幕府故胤引之贈

謚故睦王倚曰恭哀太子

倚為宦官所殺見上年

加幽州節度

使劉仁恭魏博節度使羅紹威並兼侍中 三月癸未

朔朱全忠至大梁

自河中歸至大梁

癸卯遣氏叔琮等將兵五

萬攻李克用入自太行魏博都將張文恭入自磁州新

口

武宗之討劉稹也自遼州開新路達于磁州武安縣故謂之新口

葛從周以兗鄆兵

會成德兵入自土門洺州刺史張歸厚入自馬嶺義武

節度使王處直入自飛狐

沈括曰北岳常山今謂之大茂山自石晉割燕雲與契丹

以大茂山分脊為界飛狐路在大茂山西自銀冶寨北出倒馬關度北界却自石門子冷水鋪入餅形梅回兩

寨之間至代州今大茂祠中多唐人古碑殿前一亭有李克用題名云太原河東節度使李克用親領步騎五

十萬問罪幽陵回師自飛狐路即歸鴈門權知晉州侯言以慈隰晉絳兵入

自陰地叔琮入天井關進軍昂車

昂車即昂車關在澤州昂車嶺

辛亥

沁州刺史蔡訓以城降河東都將蓋瑋諸侯言降即令

權知沁州

蓋古盍切姓也

壬子叔琮拔澤州李存璋弃城走叔

琮進攻潞州昭義節度使孟遷降之河東屯將李審建

王周將步軍一萬騎二千詣叔琮降叔琮進趣晉陽

七趣

喻夏四月乙卯叔琮出石會關營于洞渦驛

洞渦驛臨洞渦水

張歸厚引兵至遼州丁巳遼州刺史張鄂降別將白奉

國會成德兵自井陘入

陘音刑

己未拔承天軍與叔琮烽

火相應

甲戌上謁太廟丁丑赦天下改元雪王涯等

十七家

王涯等誅夷見二百四十五卷文宗太和九年崔肩將誅宦官故先雪王涯等

初楊

復恭為中尉借度支賣麴一年之利以贍兩軍自是不

復肯歸

度徒洛翻復扶又翻下同

至是崔肩草赦

草赦文及諸條件

欲抑宦

官聽酤者自造麴但月輸權酤錢兩軍先所造麴趣令

減價賣之過七月無得復賣

權訖岳翻酤音故復扶又翻會要會昌六年九月勅

揚州等八道州府置權酤并置官店酤酒代百姓納權酒錢并充資助軍用如有人私酤酒及置私麴者罪止

一身不得沒入家產蓋  
推酤賣麴本皆屬度支

東川節度使王宗滌以疾求

代王建表馬步使王宗裕為留後 氏叔琮等引兵抵

晉陽城下數挑戰

數所角翻挑徒了翻

城中大恐李克用登城備

禦不遑飲食時大雨積旬城多頽壞隨加完補河東將

李嗣昭李嗣源鑿暗門夜出攻汴壘屢有殺獲李存進

敗汴軍於洞渦

敗補邁翻

時汴軍既衆芻糧不給久雨士卒

瘡利

瘡逆約翻寒熱迭作為瘡泄下為利

全忠乃召兵還五月叔琮等自石

會關歸

考異曰編遺錄四月壬戌李克用遣張特濟書請尋權盟乃指揮諸軍所在且駐留見差發

專人之太原許通懽好兼并州地寒節候甚晚戎馬既多野草不足於芻牧尋令氏叔琮廻戈後唐太祖紀五月氏叔琮及四面賊軍皆退薛史梁紀班師在四月後唐紀汴軍退在五月蓋全忠以四月命班師而叔琮等

以五月離晉陽故國史記之各異也

諸道軍亦退河東將周德威李嗣昭

以精騎五千躡之殺獲甚衆先是汾州刺史李瑋舉州

附於汴軍

先悉薦翻

克用遣其將李存審攻之三日而拔執

瑋斬之氏叔琮過上黨孟遷挈族隨之南徙朱全忠遣

丁會代守潞州

為丁會歸李克用張本

朱全忠奏乞除河中節

度使而諷吏民請已為帥

帥讀曰率

癸卯以全忠為宣武宣

義天平護國四鎮節度使

當是時自蒲陝以東至于海  
南距淮河北距河諸鎮皆為朱

全忠所有使全忠以鄰道自廣則當兼領佑國河陽陝  
號不應越此三鎮而領河中全忠所以領河中者上以

制朝廷下以  
制李克用也

已酉加鎮海鎮東節度使錢鏐守侍中

崔肩之罷兩軍賣麴也并近鎮亦禁之李茂貞惜其

利表乞入朝論奏

李茂貞在鳳翔近鎮  
也故爭賣麴之利

韓全誨請許之

茂貞至京師全誨深與相結崔肩之始怨陰厚朱全忠益

甚與茂貞為仇敵矣以佑國節度使張全義兼中書

令六月癸亥朱全忠如河中

考異曰薛居正五代  
史梁紀庚申帝發自大

梁今從  
編遺錄

上之返正也中書舍人令狐渙給事中韓偓

皆預其謀故擢為翰林學士數召對訪以機密渙綯之

子也

數所角翻令狐綯相宣宗

時上悉以軍國事委崔胤每奏事上

與之從容

從千容翻

或至然燭宦官畏之側目皆咨胤而後

行胤志欲盡除之韓偓屢諫曰事禁太甚此輩亦不可

全無恐其黨迫切更生它變胤不從丁卯上獨召偓問

曰敕使中為惡者如林何以處之

處昌呂翻下同

對曰東內之

變敕使誰非同惡處之當在正旦

謂誅劉季述等時也

今已失其

時矣上曰當是時卿何不為崔嵬言之

偽為于翻

對曰臣見

陛下詔書云自劉季述等四家之外其餘一無所問夫

人主所重莫大於信既下此詔則守之宜堅若復戮一

人則人人懼死矣

復扶又翻

然後來所去者已為不少

去羌呂翻

少詩

此其所以怵怵不安也陛下不若擇其尤無良者

數人明示其罪寘之於法然後撫諭其餘曰吾恐爾曹

謂吾心有所貯

貯丁呂翻藏蓄也

自今可無疑矣乃擇其忠厚

者使為之長

長知兩翻

其徒有善則獎之有罪則懲之咸自

安矣今此曹在公私者以萬數

公謂有職名於官者私謂乞丐攜養於宦者私

家未有名籍在於官者

豈可盡誅邪夫帝王之道當以重厚鎮之

公正御之至于瑣細機巧此機生則彼機應矣終不能

成大功所謂理絲而棼之者也

治絲而棼左傳魯衆仲之言杜預注云絲見棼

緼益所以亂

况今朝廷之權散在四方苟能先收此權則事

無不可為者矣上深以為然曰此事終以屬卿

嗚呼世固有能

知之言之而不能究于行者韓偓其人也屬之欲翻

李克用遣其將李嗣昭周

德威將兵出陰地關攻隰州刺史唐禮降之進攻慈州

刺史張瓌降之 閏月以河陽節度使丁會為昭義節

度使

考異曰薛居正五代史會傳自河陽以疾致政于洛陽梁祖季年猜忌故將功大者多遭族滅會

陰有避禍之志稱疾者累年天復元年梁祖并有河中晉絳乃起會為昭義節度使按光化二年六月會自河陽為昭義節度使九月李克用取潞州表孟遷為節度使時罕之已卒必是會却領河陽至此纔二年則非致政稱疾累年也又是時全忠未嘗誅戮大將疑會降河東後作傳者誤以天祐中事在前言之耳 孟遷

為河陽節度使從朱全忠之請也 道士杜從法以妖

妄誘昌普合三州民作亂

妖一逆翻誘音酉昌州乾元中割瀘普渝資等州界置普

州漢牛鞞資中墊江德陽四縣之境梁置普慈郡後周置普州合州漢墊江地宋置東宕渠郡西魏置合州九

域志普州東至昌州一百七十五里昌州東至合州一百八十里

王建遣行營兵馬使

王宗黯將兵三萬會東川武信兵討之宗黯即吉諫也

崔肩請上盡誅宦官但以宮人掌內諸司事

時宦官分領內

諸司使

宦官屬耳頗聞之

屬之欲翻

韓全誨等涕泣求哀于上

上乃令肩有事封疏以聞勿口奏宦官求美女知書者

數人內之宮中陰令訶察其事

訶古永翻又翻正翻

盡得肩密謀

上不之覺也全誨等大懼每宴聚流涕相訣別日夜謀

所以去肩之術肩時領三司使

去羌呂翻三司戶部度支鹽鐵

全誨等

教禁軍對上諠譟訴脣減損冬衣上不得已解脣鹽鏤

使時朱全忠李茂貞各有挾天子令諸侯之意全忠欲

上幸東都茂貞欲上幸鳳翔脣知謀泄事急遺朱全忠

書遺惟季翻稱被密詔被皮義翻令全忠以兵迎車駕且言昨者

返正皆令公良圖

脣言返正之謀皆出於全忠按舊書帝紀全忠并河中進檢校太師兼中

書令故稱令公

而鳳翔先入朝抄取其功

李茂貞入朝見上正月抄楚交翻

今

不速來必成罪人豈惟功為它人所有且見征討矣全

忠得書秋七月甲寅遽歸大梁發兵

考異曰唐太祖紀年錄會汴入寇

同華官者知崔肩之謀時肩專掌三司泉貨韓全誨教  
禁兵伺肩出聚而呼譟訴以冬衣減損軍人又上前披  
訴天子徇衆情罷崔肩知政事崔肩怒急召朱溫請以  
兵師入輔唐補紀時朱全忠在河中肩潛作急令全忠  
入朝又修書云云全忠得此書詔便發河中還汴按是  
時全忠未寇同華肩亦未罷紀年錄誤今從唐補紀

西川龍臺鎮使王宗侃等討杜從法平之

九域志普州安岳縣

有龍臺鎮

八月甲申上問韓偓曰聞陸扆不樂吾返正

樂音

洛下

正旦易服乘小馬出啓夏門有諸

啓夏門京城南面東來第一門

夏戶雅翻

對曰返正之謀獨臣與崔肩輩數人知之扆不知

也一旦忽聞宮中有變人情能不驚駭易服逃避何妨

有之陛下責其為宰相無死難之志則可也

難乃至於

不樂返正恐出讒人之口願陛下察之上乃止韓全誨

等懼誅謀以兵制上乃與李繼昭李繼誨李彥弼李繼

筠深相結繼昭獨不肯從它日上問韓偓外間何所聞

對曰惟聞敕使憂思與功臣及繼筠交結

功臣謂李繼昭李繼誨李

彥弼也

將致不安亦未知其果然不耳

然不讀曰否

上曰是不

虛矣比日繼誨彥弼輩語漸倔强

比毗至翻倔其勿翻強其兩翻

令人

難耐令狐渙欲令朕召崔胤及全誨等於內殿置酒和

解之何如對曰如此則彼凶悖益甚

悖蒲昧翻又蒲沒翻

上曰為

之奈何對曰獨有顯罪數人速加竄逐餘者許其自新

庶幾可息

幾居依翻

若一無所問彼必知陛下心有所貯益

不自安事終未了耳

貯下呂翻

上曰善既而宦官自恃黨援

已成稍不遵敕旨上或出之使監軍或黜守諸陵

黜守諸陵

者剥色配役諸陵也

皆不行上無如之何

或告楊行密云錢鏐

為盜所殺行密遣步軍都指揮使李神福等將兵取杭

州兩浙將顧全武等列八寨以拒之

九月癸丑上急

召韓偓謂曰聞全忠欲來除君側之惡大是盡忠然須

令與茂貞共其功若兩帥交爭則事危矣帥所類翻卿為我

語崔肩連飛書兩鎮為于偽翻語牛倨使相與合謀則

善矣壬戌上又謂偓曰繼誨彥弼輩驕橫益甚橫戶孟翻累

日前與繼筠同入輒于殿東令小兒歌以侑酒侑佑也令

人驚駭對曰臣必知其然茲事失之於初當正旦立功

之時謂誅劉王迎上反正時但應以官爵田宅金帛酌之不應聽

其出入禁中此輩素無知識數求入對或僭易薦人數所

角翻易  
以鼓翻

稍有不從則生怨望况惟知嗜利為敕使以厚

利雇之

言韓全誨等以利啗繼誨彥弼惟其所指使而為之用若受僱雇然

令其如此耳

崔肩本留衛兵欲以制敕使也

言留岐兵以制宦今敕官事見是年正月

使衛兵相與為一將若之何汴兵若來必與岐兵鬪于

闕下臣竊寒心上但愀然憂沮而已

秋子小翻

冬十月戊戌

朱全忠大舉兵發大梁

考異曰薛居正五代史十月戊戌奉密詔赴長安是時朝廷

軍國大政專委崔肩崔每事裁抑宦官宦官側目崔一日於使殿奏欲盡去之全誨等屬垣聞之中官視崔皆裂以重賂甘言誘藩臣以為城社時因讌聚則相向流涕時崔專掌三司貨泉全誨等教禁兵於昭宗前訴之

昭宗不得已罷崔知政事崔急召太祖請以兵入輔故  
有是行按帝幸鳳翔前崔肩未罷相此與太祖紀年錄  
畧同亦誤李神福與顧全武相拒久之神福獲杭俘使出入

臥內神福謂諸將曰杭兵尚彊我師且當夜還杭俘走

告全武神福命勿追

逸杭俘使之告全武以誘之

暮遣羸兵先行神

福為殿

羸倫為翻殿丁練翻

使行營都尉呂師造伏兵青山下

括沈

曰臨安縣有青山鎮路振九國志作設伏青山路

全武素輕神福出兵追之神

福師造夾擊大破之斬首五千級生擒全武錢鏐聞之

驚泣曰喪我良將

喪息浪翻

神福進攻臨安

臨安縣錢鏐所起之地衣錦軍

在焉九域志臨安縣在  
杭州西一百二十里

兩浙將秦昶帥衆三千降之

帥讀曰率

韓全誨聞朱全忠將至丁酉令李繼筠李彥弼

等勒兵劫上請幸鳳翔宮禁諸門皆增兵防守

曰按考異

鑾記二十日入直隔夜崔公傳語明日請相看侵早到門崔出御札相示然則添人把門及降御札皆十九日事實錄已亥差人把門已亥乃二十一日實錄誤也人及文書出入搜閱甚嚴上

遣人密賜崔胤御札言皆悽愴

亮愴  
翻楚

末云我為宗社大

計執須西行卿等但東行也

西行謂將幸鳳翔使肩  
等東行趣朱全忠進兵  
惆

悵惆悵

惆	惆
丑	丑
亮	留
翻	翻

戊戌上遣趙國夫人出語韓僇

人命  
出宮

至學士院語之也新舊書帝紀

朝來彥弼輩無禮極甚

曰趙國夫人寵顏語牛倨翻

欲召卿對其執未可且言上與皇后但涕泣相向自是

學士不復得對矣癸卯韓全誨等令上入閤召百官

百官

自閤門入見於內殿謂之入閤追寢正月丙午敕書

丙午敕書依大

悉

如咸通以來近例是日開延英全誨等即侍側同議政

事丁未神策都指揮使李繼筠遣部兵掠內庫寶貨帷

帳法物韓全誨遣人密送諸王宮人先之鳳翔

之往戊

申朱全忠至河中表請車駕幸東都京城大駭士民亡

竄山谷是日百官皆不入朝闕前寂無人十一月己酉

朔李繼筠等勒兵闕下禁人出入諸軍大掠士民衣紙

及布襦者滿街極目

衣於既翻襦汝朱翻

韓建以幕僚司馬鄴知

匡國留後朱全忠引四鎮兵七萬趣同州

四鎮兵宣武宣義天平護

國兵也趣七喻翻

鄴迎降

韓全誨等以李繼昭不與之同遇

絕不令見上時崔胤居第在開化坊

按五代史孫德昭傳開化坊在長安

東街繼昭帥所部六十餘人

六十當作六千帥讀曰率

及關東諸道兵

在京師者共守衛之

史言崔胤所以不死於羣閹之手

百官及士民避

亂者皆往依之

依李繼昭之兵以避禁兵及岐兵暴掠

庚戌上遣供奉官

張紹孫召百官崔肩等皆表辭不至壬子韓全誨等陳

兵殿前言於上曰全忠以大兵逼京師欲劫天子幸洛

陽求傳禪臣等請奉陛下幸鳳翔收兵拒之上不許杖

劒登乞巧樓全誨等逼上下樓上行纔及壽春殿李彥

弼已於御院縱火

御院天子及后妃所居之地

是日冬至上獨坐思

政殿翹一足一足蹋闌干

蹋與踏同闌干殿檻也

庭無羣臣苟無

侍者頃之不得已與皇后妃嬪諸王百餘人皆上馬慟

哭聲不絕出門回顧禁中火已赫然是夕宿鄠縣

九域志鄠

縣在長安南六十里

考異曰續寶運錄其年十月朱

全忠發士馬十二月入長安聖上幸鳳翔宰臣裴諗翰

林學士令狐渙等扈從其皇后王氏及千官太子王印

龍服並是汴州迎在華州相次修東都宮室旋迎赴東

都其年十一月初鳳翔士馬入京劫掠街西諸坊寶貨

士女至甚及七日汴州士馬入京赴救長安士庶並走

攢在開化坊其說妄謬今不取朱全忠遣司馬鄴入華州謂韓建曰公

不早知過自歸又煩此軍少留城下矣司馬鄴本韓建幕僚以同州降

因使之諭建少詩治翻

是日全忠自故市引兵南渡渭韓建遣節

度副使李巨川請降獻銀三萬兩助軍全忠乃西南趣

赤水

趣七  
喻翻

癸丑李茂貞迎車駕於田家磴

磴五  
對翻

上下馬

慰接之

史言昭宗屈體  
以接李茂貞

甲寅車駕至盤屋乙卯留一日

朱全忠至零口西

宋白曰昭應縣界有零口天授二年  
於此置鴻州於郭下置鴻門縣蓋古

鴻門之地也昭應漢新豐縣地宋又改  
昭應為臨潼九域志臨潼縣有零口鎮

聞車駕西幸與

僚佐議復引兵還赤水左僕射致仕張濬說全忠曰

張濬

時居長水  
說式芮翻

韓建茂貞之黨不先取之必為後患全忠聞

建有表勸天子幸鳳翔乃引兵逼其城建單騎迎謁全

忠責之對曰建目不知書凡表章書檄皆李巨川所為

全忠以巨川常為建畫策斬之軍門

李巨川之誅晚矣常為于偽翻謂

建曰公許人可即往衣錦

漢人曰富貴不歸故鄉如衣錦夜行韓建許州長社人也

衣於既翻

丁巳以建為忠武節度使理陳州

唐置忠武軍於許州黃巢之自

長安東出也趙犂陳人也守陳州有功朝廷以忠武節授之奏徙忠武軍治陳州按是時天子已西幸韓建自

華徙陳皆朱全忠為之未經表授即以忠武節度使何所稟命乎

以兵援送之

慮韓建中路逸

而歸岐又慮其在華久其將士有劫奪之者編遺錄上引兵逼華州韓建輕騎出牆歸投上於西溪

考異曰

亭子與建飲膳畢却歸赤水營旬日乃請建充忠武節度使梁太祖實錄乙卯大軍及華州建來降甲辰署建

權知華州事仍以宣武牙推龔麟佐之唐太祖紀年錄丙辰汴軍攻華州九日建以城降唐補紀同州刺史王

行約開城登壘全忠斫開城門屠之不留噍類華州韓  
建聞此出城三十里迎之只於迎處云令公本貫許州  
便仰衣錦乃差人押出關東舊傳建令李巨川至河中  
送款敬翔疾其文筆勸全忠害之薛居正五代史梁祖  
紀丙辰帝表建權知忠武軍事徙令赴任實錄乙卯全  
忠取華州丙辰次武功徙建為忠武節度使按此月無  
甲辰蓋丙辰字誤也全忠乙卯取華州丙辰豈能遽至  
武功唐補紀又云昭宗不知崔胤偽行詔命聞朱全忠  
平陷兩州十一月三日亥時奔波西去按行約乃克用  
取同州時節度使也程匡柔妄謬多此類今取華州日  
從梁太祖實錄李巨川死從昭宗實錄以前商州刺史李存權知華州徙

忠武節度使趙珣為匡國節度使

趙珣徙節同州亦非天子出命

車駕

之在華州也

乾寧三年四年車駕在華州

商賈輻湊

賈音古天子行在所從兵及百

司供億浩繁故商賈輻湊以牟利輻湊者益以車輻皆  
內湊于轂為諭夫三十輻共一轂轂者衆輻聚湊之所  
四方之商賈內嚮而聚湊焉故曰輻湊韓建重征之二年得錢九百萬緡

至是全忠盡取之

史言自古聚財者率為他人積

是時京師無天子行

在無宰相崔肩使太子太師盧渥等二百餘人列狀請  
朱全忠西迎車駕又使王溥至赤水見全忠計事

異曰考

編遺錄于時長安無人主朝廷無敕畫帝在岐下無輔  
臣自漢魏以來喪亂未若今日肩請王溥自西京至赤  
水請上進軍迎駕戊午離赤水薛居正五代史梁紀已  
未發赤水按唐太祖紀年錄朱溫至長樂崔肩帥百官  
班迎編遺錄肩請王溥自西京至赤水軍前商議實錄  
肩東寓華州又云肩召溥至赤水皆誤也舊紀亦云肩

令溥至赤水促全忠迎駕今從之發赤水日從編遺錄

全忠復書曰進則懼脇君

之謗退則懷負國之慚然不敢不勉戊午全忠發赤水

辛酉以兵部侍郎盧光啓權句當中書事

時無宰相權使之句

當句古侯翻

車駕留岐山三日壬戌至鳳翔

朱全忠

至長安宰相帥百官班迎於長樂坡明日行復班辭於

臨臯驛

班迎班辭非藩臣所得當崔胤之奉朱全忠至此為一身脫死計非為唐社稷計也宦官既誅

胤亦死於全忠之手宜矣帥

全忠賞李繼昭之功

以其能保

衛崔胤及百官也

初令權知匡國留後復留為兩街制置使賜

與甚厚繼昭盡獻其兵八千人

孫德昭畏朱溫之雄猜也

全忠使判

官李擇裴鑄入奏事稱奉密詔及得崔肩書令臣將兵

入朝韓全誨等矯詔荅以朕避災至此非宦官所劫密

詔皆崔肩詐為之卿宜斂兵歸保土宇茂貞遣其將符

道昭屯武功以拒全忠

九域志武功縣在長安西北一百五十里

癸亥全忠

將康懷貞擊破之

丁卯以盧光啓為右諫議大夫參

知機務

參知機務唐久不除授盧光啓自權句當中書為之

戊辰朱全忠至鳳

翔軍於城東

考異曰實錄乙丑全忠駐軍岐城之東丙寅全忠軍至城下按全忠癸亥離長安

乙丑丙寅至岐太速  
今從編遺錄新紀

李茂貞登城謂曰天子避災非臣

下無禮讒人誤公至此全忠報曰韓全誨劫遷天子今

來問罪迎扈還宮岐王苟不預謀何煩陳諭上屢詔全

忠還鎮全忠乃拜表奉辭

屢詔全忠歸鎮韓全誨李茂貞挾天子以令之也全忠拜

表奉辭若不敢逆詔指  
者然其意則有在矣

辛未移兵北趣邠州

全忠之意在此茂貞

養子繼徽鎮邠邠岐輔車之援也若先得邠則岐孤九

域志鳳翔東北至邠州二百二十二里趣七喻翻下同

考異曰金鑾記曰十七日早聞岐師昨夜二更却迴

云軍大衄汴令有表迎駕并述行止汴軍在岐東下寨

十八日翰林學士姚洎兼知外制誥二十四日汴令有表

十日翰林學士姚洎兼知外制誥二十四日汴令有表

奉辭東去二十五日汴軍離發延英  
門舊紀癸酉全忠辭去今從編遺錄  
甲戌制守司空兼

門下侍郎同平章事崔肩責授工部尚書

考異曰實錄載制辭曰

四居極位一無可稱又曰無功及人為國生事按舊傳  
前為罷知政事落使務後云同平章事鹽鐵轉運使實  
錄前云罷肩鹽鐵使至此制  
官位中復帶鹽鐵使皆誤  
戶部侍郎同平章事裴樞

罷守本官

皆宦官之意也時宰相皆不扈從

乙亥朱全忠攻邠州丁丑

靜難節度使李繼徽請降復姓名楊崇本全忠質其妻

於河中令崇本仍鎮邠州

難乃旦翻質音致為朱全忠漁色邠岐復連兵張本全

忠之西入關也韓全誨李茂貞以詔命徵兵河東茂貞

仍以書求援於李克用克用遣李嗣昭將五千騎自沁

州趣晉州與汴兵戰于平陽北破之

漢平陽縣隋改為臨汾晉州治焉唐

府兵未廢時有平陽府

乙亥全忠發邠州戊寅次三原

自邠州東南至三原

一百五十餘里

十二月癸未崔胤至三原見全忠趣之迎駕

趣讀

曰促已丑全忠遣朱友寧攻鰲屋不下戊戌全忠自往督

戰鰲屋降屠之

九域志鰲屋縣在鳳翔府東南二百里鰲音翰屋音室

全忠令崔

胤帥百官及京城居民悉遷于華州

帥讀曰率

詔以裴贇充

大明宮留守

清海節度使徐彥若薨遺表薦行軍司

馬劉隱權留後

劉隱始得廣州

李神福知錢鏐定不死

或言錢鏐

為盜所殺見上文八月

而臨安城堅久攻不拔欲歸恐為鏐所邀

自臨安退還宣州有千秋嶺之險

乃遣人守衛鏐祖考丘壘禁樵采

錢鏐

臨安人其祖父丘壘在焉

又使顧全武通家信鏐遣使謝之神福於

要路多張旗幟為虛寨鏐以為淮南兵大至遂請和神

福受其犒賂而還

還音旋又如字

朱全忠之入關也

是年十一月朱

全忠入關戎昭節度使馮行襲遣副使魯崇矩聽命於全忠

按光化元年以馮行襲為昭信軍節度使天祐二年始改昭信軍為戎昭軍

韓全誨遣中使

二十餘人分道徵江淮兵屯金州以脅全忠行襲盡殺

中使收其詔敕送全忠

馮行襲以昭信節度使治金州故得盡殺中使

又遣使

徵兵於王建朱全忠亦遣使乞師于建建外修好於全

忠罪狀李茂貞

好呼到翻

而陰勸茂貞堅守許之救援以武

信節度使王宗佶前東川節度使王宗滌等為扈駕指

揮使將兵五萬聲言迎車駕其實襲茂貞山南諸州

為王

建取山南西道張本

江西節度使鍾傳將兵圍撫州刺史危全

諷天火燒其城士民謹驚

謹與諠同

諸將請急攻之傳曰乘

人之危非仁也乃祝曰全諷之罪無為害民火尋止全

諷聞之謝罪聽命以女妻傳子匡時

妻七細翻

傳少時嘗獵

少詩照翻

醉遇虎與鬪虎搏其肩而傳亦持虎腰不置旁人

共殺虎乃得免既貴悔之常戒諸子曰士處世貴智謀

勿效吾暴虎也

詩曰袒裼暴虎注云暴虎空手以搏之也處昌呂翻

武貞節度

使雷滿薨子彥威自稱留後

資治通鑑卷二百六十二